

憂疑杯底多蛇，雙眉且展。
得夫夢中蕉鹿，兩腳空忙。

——
昨非庵
——



3 2168 0987 5

M9
I242.1
95
:1

序

童子於古書無不喜。史記於史記無不喜。游俠刺客諸傳。讀荆軻。借樊將軍頭。白衣冠悲歌渡易水。非甚竊懦。必愕眙。震撼慷慨之氣。現於眉間。是可知勇爲達德。實與有生以俱來也。太史公曰。文之敝。小人以僂。鄭訓。僂。苟習文法。無惻誠也。而中國古號文勝。清之季世。教化不修於上。風俗媮薄於下。父兄懼子弟。或觸世網。抑勒之挫折之。稍長與世交接。徑遂而行。又動輒得咎。不如詭遇之有所弋獲。於是戕賊杞柳。同流合污。所謂苟習文法。無惻誠者。非耶。一旦遇歐人相形。見絀則羣相非笑。曰。中國人豈不悲哉。余服膺史記。又丁此文敝之世。史公不可幾。則竊取史公之意。以爲小說。私意欲救僂。以武也。兒女英雄傳。小說之談。武俠者也。兒時讀書村塾。夏夜納涼。嘗爲田舍郎道十三妹事。聽者眉飛色動。雖詞俚意淺。而通俗逮下。則爲高文典冊。所勿如意。頗自信以爲小說。可爲易能。而又有功。今輯是編。猶斯意也。或曰。今日以往。爲科學時期。書中所言。多荒誕不中理。類神話。毋

乃不可曰無傷也。齊莊避螳臂，勾踐式怒蛙，史冊美之。乃若其事不已，慎乎哉！吾子亦毋以詞害意可耳。且天下之理亦賾矣。眼前事物卽而窮究之，在在有玄理。不能悟澈，吾儕於拳藝未嘗學問於所不知，闕疑可也。抑世傳武當少陵兩派見於志乘，天下之大，必猶有祖述而傳習之者，有能起而正是編之謬者乎？是則筌蹄之用，又安可棄也。民國五年月日武進惲樹珏

跋

技擊者。蓋古兵家者言之技巧。習手足。便器械。積機關。以立攻守之勝者也。班孟堅論次兵書五十三家。技巧十三家。與焉。齊人隆之。孫卿謂之亡國之兵。此自推論仁義之無敵耳。究之。齊蔚爲霸國。蘇季子謂齊車之良。五家之兵。疾如錐。矢戰如雷。電解如風。雨未必非隆技擊之效也。太史公論列五方民俗。至謂臨淄之俗。勇于持刺。爲大國之風。不其然哉。輓近吾國震於槍礮。火器之致遠。謂非肉薄所能爲功。至薄固有之。武術爲不足事。然吾聞日本有所謂柔術者。游東瀛者初見之。以爲近於中國江湖賣解者流。未之奇也。而彼都人士乃尊之爲武士道。迨日俄之役。兩軍相見。日軍往往肉薄陷敵陣。以奏膚功。於是柔術之效大著。而世之議者。乃知中國之伎擊。爲不可廢也。抑吾徒有游於瑞典而歸者矣。謂瑞典雖弱。小然其人剛猛好戰。雖虎狼之俄。猶畏之。其教戰也。所練者騰高距遠之法。頗多。惟刀劍擊刺之法。使兩人對習。偏身相向。首冠鐵絲籠。而手臂韜以重革。以防創。

傷各執軍器直刺如中國古劍術焉此其視中國之伎擊有以異乎否乎乃世之柄兵者不察不自知崇固有之國粹徒思數步邯鄲冀欲丐他人餘瀝以自潤漑是其捨己田而他芸雖謂之大惑不解不爲過也吾嘗讀某報載皖人某嘗獲師承而精於武術貧不自存思以術授徒糊口顧國人無應者有英國教士見而奇之謂曰汝能隨吾往倫敦乎月數伯金不難致也其人謝曰吾受業於吾師嘗承師之戒矣吾師戒曰慎轉授人非其人尤勿授也汝乃欲予傳術於外國耶且吾習聞師說苟業成而貧困不聊生者寧爲盜以自給毋鬻術以爲食也嗚呼彼桓桓者寧非國家干城之選乃不能爲國家捍力邊圉而資疆敵羅致其人以爲己用在其人雖有所不忍於祖國究之貧無以自存終不能不自棄於爲盜此誰之過歟今本書所撰次爲盜者什人而伍則皖人之言驗已寧得謂之非有國有家者之責歟無錫錢基博

武俠叢談上冊目錄

張大三	錢基博	一	老鏢客	錢基博	二
孫二官	錢基博	三	朱三寶	錢基博	五
鄒姓	錢基博	五	甘鳳池	錢基博	八
閩僧	錢基博	一四	某公子	錢基博	一七
秦大秦二	錢基博	一八	莫懋	錢基博	二一
南楊北朱	錢基博	二二	范龍友	錢基博	二五
清江女子	錢基博	二六	馬永貞	錢基博	二八
嶽山農夫	錢基博	三〇	梁興甫	錢基博	三二
石勇	錢基博	三四	僧念亮	錢基博	三六
王子仁	錢基博	三七	嘉定老人	錢基博	三九
庖人	錢基博	四一	李漁	錢基博	四三

戴俊	錢基博	四五	履店翁	錢基博	四七
胡邇光	錢基博	四八	白太官	錢基博	四九
禿者	錢基博	五一	三山和尚	錢基博	五二
蔣志善	錢基博	五三	潘五先生	錢基博	五五
環秀菴僧	錢基博	五七	王遂	錢基博	六〇
拳術紀聞	杜階平	六四	游俠別傳	西神	八一

武俠叢談上冊

張大三

錢基博

無錫張大三名定邦。嘉慶丁卯武舉人也。人以其于兄弟次居三而軀幹偉碩異甚。身長逾六尺。巍然巨人。遂字之曰大三。云其試武闈也。方馳馬注矢欲發。馬驟人立。大三顛而下。隨躍起。攀馬尾超而上。瞬間馬已近鵠。大三猝不暇挽弓。亟抽矢夾指間。力撥連發三矢。靡不洞的主試者以下睹其狀。一座盡驚。置高第。自是大江南北無不知有大三者。大三亦重自負。及赴兵部試。至天津寓一農家。其主翁白髮鬢鬢。年八九十矣。挈一幼孫侍知客。武舉人張姓道江南來。詢曰。君張姓。又江南人。得勿識無錫張某否。張某神勇人也。因嘖嘖道。大三武闈馬射事不輟。大三心喜。欲自承警見翁舍。旁有大石礮一徑及丈。其孫戲推之。聲隆隆。僅三匝而力已竭。翁哂謂客曰。稚子肌骨柔脆。究不濟事。老夫雖邁。猶可賈勇。起推石礮數十匝。而神色自如。大三心怯。礮製絕偉。巨恐力不任。不敢試。伺翁攜其孫。

他往潛起推之牢不可動心則大駭私念已負盛名而不及此農家子能與燕趙間豪傑相見角勝乎即日罷回南不試心忽不樂遂以癩終

潛夫曰吾邑嘉道間言武勇者必推四張四張者邦炤邦煜衛清及大三四人皆武舉人也而大三輩最先爲尤著

老鏢客

錢基博

陶育臣嘗爲予言關東巨盜都魁悍武桀甚非江淮間窮民迫飢寒爲盜者比也故巨賈豪商挾貲出其地者輒不吝厚幣延聘護行武士其人大率持鏢三寸許製以精鐵銳其末擲擊人數丈外無不中世稱之爲鏢客云老鏢客忘其姓名挾伎走關東數年矣所護車大小輒什伯輛計每宿次味爽就道列炬如火龍騾馬伯數客視輜輻盡上道已則背負巨囊乘馬殿其後盜睹其夥頤沈沈知所挾攜者必不貲欲劫取之而未悉客能勿敢勿遽發覘之數矣意其背所負囊必武器也久之覘知客每夜宿店視車從盡息輒獨坐出紙雙疊而裁以指成條大小若

不經意。然脩廣如一。隨撮置。拇食兩指間。搓之成捻。輒偶而非奇。五十偶爲一束。得再束。乃皮囊挾之。寢如是爲常。積數什伯束。囊巨若牛腰。乃知中實無武器也。然莫測其用。一日。伺道中。邀之瞥見。客手所負囊。撮兩紙捻。發擊盜盜先登者。驟僵。踣餘莫敢上。負嚮僻路。走視之。紙捻中貫兩眸子。盲矣。

潛夫曰。嗚呼。驥足不蹶于羊腸。而蹶於康莊。盜明不盲於雙丸。而盲於紙捻。天下之大。無畏者。天下之大。可畏者也。予又聞之育臣曰。嘗訪友某輪船局。適有鏢客行道。乏賞嚮索貸。見其以鏢上擲。中廡下椽頭倒掛於其上。駢兩指逆插入計櫃洞焉。櫃故製以堅木者也。疊五十錢。以指撮其兩端。力搯之中。四十八錢碎爲半。而指近撮之。兩錢轉能完好。無損予之半。銀餅乃重取一鏢。擊前擲掛椽頭之鏢。中其柄。齊墮下。各承以一手。持去其伎亦精矣。故附記之。

孫二官

錢基博

竹塘。江陰之南鄉也。有孫二官者。富家子。小小好拳勇。閱師數矣。後遇一名師。趣

去衣。裸其身。相之曰。若膊。棍。圓。而。不。扁。形。若。胸。駢。脅。寬。博。若。脛。強。直。而。不。撓。能。習。藝。必。精。可。教。也。遂。教。以。鍊。形。運。氣。之。法。以。匹。布。圍。其。少。腹。者。再。匝。緊。約。異。甚。誠。曰。此。於。法。不。得。臥。食。離。且。殆。二。官。謹。受。教。從。之。學。三。年。每。一。鼓。氣。能。周。身。磊。砢。作。塊。巨。槌。撲。之。皆。反。躍。以。背。腹。貼。牆。壁。能。相。吸。緣。行。而。不。墜。師。又。誠。曰。子。伎。已。鮮。對。矣。然。慎。勿。去。汝。腹。布。圍。也。二。官。少。年。擅。武。伎。負。氣。絕。矜。隆。輒。與。人。角。無。能。勝。者。羣。思。有。以。敗。之。激。之。曰。若。誠。好。漢。子。必。鬆。汝。少。腹。布。脊。睡。一。宿。乃。信。汝。也。二。官。雅。自。多。慚。應。不。能。貽。人。嗤。許。之。味。且。不。能。興。矣。急。足。延。其。師。視。之。蓋。腎。精。下。注。一。泄。不。能。止。而。痿。蹶。也。師。亟。布。氣。兩。拇。指。上。推。其。腹。乃。已。然。不。能。壯。佼。如。初。昔。矣。

潛。夫。曰。師。之。教。其。弟。子。乃。不。若。紀。渚。子。之。鬪。雞。也。紀。渚。子。爲。周。宣。王。養。鬪。雞。十。日。而。問。雞。可。鬪。已。乎。曰。未。也。方。虛。驕。而。恃。氣。十。日。又。問。曰。未。也。猶。應。影。響。十。日。又。問。曰。未。也。猶。疾。視。而。盛。氣。十。日。又。問。曰。幾。矣。望。之。似。木。雞。雖。有。鳴。者。已。無。變。矣。嗚。呼。二。官。乃。一。鳴。已。變。而。學。之。三。年。敗。之。崇。朝。豈。非。虛。驕。恃。氣。有。以。致。之。乎。可。以。誠。矣。

朱三寶

錢基博

同治間。無錫有朱三寶者。名捕也。道行遇一人。疑爲盜。蹤之。至郊外。其人反。身語三寶曰。若欲係捕我乎。三寶曰。然。急側身。作勢待用武。其人忽仰臥。兩足貼地。迸力疾躡。如矢一躡去。已數丈。再三躡。無見矣。三寶不及追。而還他日。又遇其人。惠山逐之。抵一谷。四面崖壁峭峙。無路行。大評逼之曰。若將何遁。其人忽背貼崖壁。間游行上。昇如蛇。且昇且俛視。三寶笑曰。若胡不逐。三寶怒。拾石擲之。其人輒左右避。不能中。須臾登崖遁矣。

潛夫曰。頃有盜趨捷。無倫善距躍。雖高墉危垣。莫能禦。捕不獲。被杖。一日獲焉。恨盜累已杖數。且笞無算。盜曰。毋笞。若輩不過欲懲予。後勿盜耳。然笞無益。可數人挾予疾繞走室中。無休。伺予足疲。欲仆。驟以冷水浸吾足。足必病。水腫軟。癱不能蹣躍如飛矣。將何恃以爲盜哉。捕如其言。後果腫不消。不能爲盜。

鄒姓

錢基博

距無錫縣五十里而南。有鄉曰新安。鄒姓者。佚其名字。鄉之人也。鄉故濱運河而居。當日河運未廢。歲漕東南粟給京師。舳舻什伯銜接。無不出其地者。謂之南漕。漕卒夙多魁碩。怙氣力者。橫甚。一日。有一卒挾婦人登岸游於市。市少年諧評曰。好嬌嬌。羣謀而和之。卒慚怒搏撿。少年歸縛舟柱。褫其衣裸身而澆。以冷水罵曰。若欲好澆澆乎。吾茲償汝志矣。土語嬌澆二字音似也。故云。少年驟徹骨寒。噤號救不成聲。衆隨環岸觀者數百輩。羣爲不平。譁罵聲若殷雷。然無敢攫救者。卒亦應罵益以水沃少年頂。淋漓下濡至踵。衆相顧無誰何。鄒姓適以事過之。排衆入睹狀。心則大怒。一躍登其舟。揮右肱仆卒墮水。而用左掌力擊少年。縛柱繩。繩斷挾少年反躍上岸。傍卒洶洶取械逐鄒奪少年。鄒亟以付衆。揮手使速退。曰。去。毋溷我。植立俟。一卒驟進持械。拄其胸。鄒徒手無以禦。佯爲傾跌仆地者。誘之益進。突起一足蹴之顛。乃得奪其械。與持久之。雖衆械環進如風雨。鄒常有以格之。無能損一毫毛者。然鄒用力久。少惰。而卒進者方益衆。勢不支矣。有遊僧荷擔自

遠方至。覘鬪。目覩卒怙衆暴寡。心不勝憤。乃捨擔揮杖大呼入搏。與鄒并力。亟以背就鄒。鄒亦以背應之。兩人背相合。乃各持械當一面。擊敵敗走之。鄒方欲驅敵。忽覺背無所附。回視僧不見。急捨敵。覓僧已荷擔走。不知何往矣。自是鄒以技擊有聞于世。然世之隆技擊者。每好角技相凌。出人上。聞鄒能。碁之輒有以嘗焉。一日夜二鼓。寢方酣。忽室門戛戛有聲。知有盜起。關門出視。懼盜伺門外。伏暗中。襲擊之。左手披門。橫右肱作勢。外格門去。門驟關。舉肱一揮。忽大聲崩騰。發庭中地震。響如山。坼裂者。蓋其先盜移石。桓三拄其門。門重。門不任欲折。故戛戛作聲。及門關。鄒橫格以肱。石桓反擲數尺外。仆庭。故震響也。旣睹庭中一盜距躍屋脊。鄒騰身隨上。盜再躍已去。已十丈許矣。鄒視盜趨捷甚。勿敢逐也。返視偃地徑數寸石。桓三斷爲六矣。初不自意其腕力乃健絕若是。顧不以自喜。彌恂恂畏人。勿敢校。知天下健者匪一也。市有大盜白晝隻身刦質肆。負重金遁。肆中武力士數十操戈揚聲逐之。無敢迫擊盜。主計者素稔鄒勇。亟飛使走告。請問道。遮出盜前。

知彼不知己
疾
乎
矣
之
歟

邀之鄒如言。遮出盜前。側身斜伸一足。俟道旁。意態蕭閒。若無意于止盜者。盜飛逃間。忽見一人道旁。側立有勢。知匪善敵。立垂右手下抵地。疾轉其掌。嚮鄒揚之。有風着體。若颯鄒不覺。噤顫自知不敵。亟斂手縱使逸去。里人周君同愈言之。潛夫曰。余聞之周君曰。鄒有子曰拱之。邑秀才也。今猶在。嘗語人曰。吾父其有以詔我矣。曰。技擊搏技也。能是不足以自衛。徒買禍。其技彌能見嫉于人。彌衆人必爭與我角。角之不喪。軀必人爲我戕。是兩人者必喪其一。匪仁術也。其言類有道者。故誌之。

甘鳳池

錢基博

當愛新覺羅之世。在康熙間。天下言武術者。無不知有甘鳳池矣。鳳池。江寧縣人。縣號天下名城大藩。明太祖嘗都其地。愛新覺羅專制。方夏。選八旗饒銳。居明故皇城鎮之。號曰駐防。其人有欲試其技者。令袒臂橫肱。小門口石道中。驅牛車數十輪。絕肱上過。無纖痕。不論創也。觀者駭服。飲之酒。醉與人較。藝倒植長頸。酒甕

氣欲其壯耳
盛何為者

于地一足立用兩指持一竹竿令衆數十曳之屹然不動忽驟鬆其手曳者咸倒地。偶出行見兩牛鬪田畔角交不解牧人欲制之而無術鳳池徐以手壓牛背兩牛皆陷入地數尺展轉不得動怒目視徐提出之若雞雛然其勇力絕人有如此鳳池體不逾中人然手能破堅握鉛錫如搏沙輒化爲水宜其手所抵擊無不立碎者一日觀劇十廟兀立劇臺前人莫敢近突有跛丐來前相擁擠叱之勿聽反與爭鳳池怒握拳奮擊若中敗絮了無所楚笑曰少年盛氣哉徐步去鳳池乃大愕久之欲追叩姓名而丐已不見究不知何許人也鳳池以此頗歛抑壯歲遊京師以技謁某王王曰客何能曰臣能輕數蜻蜓重逾泰山王奇其言曰若何而可鳳池曰請試之睹庭前海棠花數叢風中搖曳鳳池一躍登其枝約體揮短劍舞周旋進退亭亭如蜂蝶掠枝上花葉勿稍損王驚笑曰異哉此真蜻蜓矣鳳池聞王贊歎遽收劍跪一足王前謝起視足所抵處陷下者尺矣王乃信其言非夸也曰鳳池渺小丈夫乃一重至此乎是誠不可測也濟南張大義者亦力士也身長

八尺餘。膊碩絕倫。足趾盡裹以鐵。慕鳳池名。遠道走數伯里來見王。願得與鳳池角。鳳池辭。王固命之。鳳池不得已起。大義以爲怯。直前奮一足蹴鳳池。螽躍蛟騰。若風雨之驟至。鳳池却立倚牆。俟其足來。承以手。大義暴呼痛仆。不能起。血流滿。釋解視趾。盡嵌入所裹鐵中。斷矣。卽黑馬玉麟。長軀大腹。雖良馬騎數十里必易。及以帛約身。則頓小。緣牆升木。捷于飛。客揚州巨賈某家。鳳池後至。居其上。玉麟心不平。與角。無勝負。鳳池退。曰。此非張大義比。我所能者。玉麟盡能之矣。思久之。曰。吾得間矣。然不欲衆辱之。當令會意可耳。明日。又角。數蹈玉麟瑕。玉麟怒。不請罷。進逼鳳池。益急。鳳池乃駢指格玉麟。玉麟不覺僵仆。起。慚而遁。鳳池曰。我力非能勝玉麟。而卒勝之者。善借其力以制之耳。鳳池聲名日高。相嫉者衆甚。泰山有孫迪侯者。生平治武技絕精。欲得一挫鳳池以爲名。高。舊矣。南下訪之。抵江寧。遊于市。睹一僧冠皮盧冠。鐵製甚巨。每至一肆。輒倒脫擲計櫃索錢。砢然有聲。曰。有能推墮地者。僧家冠而去耳。勿乞一錢也。主計者無如何。輒盈其欲而去。迪侯

心甚異之。私計曰：甘鳳池居于是邦，其人勇無與儔，天下莫不知。今僧乃橫絕無所忌，此必有以激鳳池也。益怪鳳池何寂無所聞睹。若是意亦內懼之矣。乃覘鳳池飲茶肆，直入踞其側座，佯爲不知鳳池在者。大言曰：甘鳳池自有名字，今乃知徒虛語耳。鳳池聞其言，目之起，叩姓名，知爲泰山孫迪侯也。大驚曰：君乃泰山孫迪侯乎？吾欽遲君已久，自通姓字，稍間。又曰：吾誠慚無所能，然君無一面，何遽知驚也。迪侯曰：市有異僧，爲諸賈人害，若居此，勿能與懲焉。吾知子之怯也。鳳池起曰：此非言事地。邀過家，坐定，語之曰：吾匪不知僧恣桀，然吾頃新與人角，疾舞拳走數十里，其勝負壹依勇力衰竭之先後爲衡。雖倖免于僨，誠自知內創。徐俟吾回復以制之耳。迪侯曰：僧置勿論，子姑運氣布身，吾視之。鳳池袒衣盛鼓其氣，駢足立，不少噓氣。迪侯以兩指自下上周身叩之，錚鏗作金鐵聲。至喉間，則柝柝如擊敗木響矣。迪侯曰：可矣。子纔一間未達，誠大難。吾布氣與若叩之，鳳池亦以兩指叩下起脛而上，及頂反匝其背，下抵至踵，已徧無不聲。錚鏗然若鳴金鐵者，鳳

法必種風
冰之不解於
瘡幾若矣

池謝曰。吾伏矣。願以兄禮事君。迪侯曰。子既善吾。吾助若搏僧。然兩人搏一。不武。必爲人笑。惟弟子侍師搏禮所許。吾僞爲若弟子者。其可。乃偕赴市。視僧。適索于某肆。反其冠置櫃。鳳池反張其指彈墮地。僧笑曰。若能是。必甘鳳池也。願與子戲。走廣場搏。久之。無所決。僧驟出。鳳池不虞。脫鐵冠。擲空中。蓋鳳池頂下。意鳳池必揮拳上格。則乘虛。猱進下探。其腎法必殪。不意迪侯突自旁上躍。伸一臂。植拇指頂冠。呼曰。弟子在此。師無虞。冠下戴其指上。僧大驚。不覺手失。鳳池狙擊中其胸洞矣。姑蘇西園僧市茗。自怙多力。誠游者無得索飲。纔可任其自傾。有不如誠者。僧怒。輒把重五伯斤許鐵壺一。自爐取下。腹可容水五斗。煮正沸。持嚮索飲者曰。若欲飲乎。速以盞承。必連啜不得休。啜之。注腹中。腸腑沸潰。潰雖壯夫。無不創蹶者。衆心憤。欲驅之。而力不敵。乃邀鳳池過西園遊。至則羣譟呼茗。故撩僧怒。果把壺憤然來前。鳳池亟持盞承飲。連傾數十盞。無創容。僧大駭走。倉卒釋壺。壺傾嚮鳳池。鳳池駢兩指夾壺口。曲柄得勿傾。緩行從容置爐上。瞥見爐側茗盞數。伯疊自

地高可隱人而植立不傾心知僧所爲仍恣遊若無所事興盡欲歸道經爐側緊以繩貫錢伯遙擲僧所疊茗盞中呼曰償和尙茗賞僧伺鳳池去出視則繩貫伯錢中茗盞矗立而盞自上下抵地齊脫其底矣心益駭亟遁走無蹤而鳳池之技精可知也鳳池工爲導引之術或立臥瞬息如雷十數人推挽莫能移尺寸而性特和易雖婦孺皆與狎見者不知爲賁育也年八十餘卒葬鳳臺門表曰勇士甘鳳池之墓

潛夫曰往者上元黃之紀撰甘鳳池小傳謂同里譚氏家富甚纔有一子病瘵不治矣鳳池則爲之闢靜室窒其牖戶夜與合背跏趺坐都四十九日病瘵此則善治其氣之效耳觀其生平爲人頗能量敵勝飭己自脩深有合于古人孟施舍養勇之旨技也而進于道矣顧世之傳說其事者莫不言人人殊余故撰次其可信者于右

黃之紀撰傳見金陵文鈔頗蕪陋無矩度所記兩事卽張大義馬玉麟事也之

紀字允脩號星岩上元諸生著者記

閩僧

錢基博

當明中葉無錫有馮夔者。廷伯其字。別號曰龍泉。以廣東僉事致政家居。風流文采。照耀一世。田園宮室。子女玉帛。爲三吳搢紳之冠。每晨廷伯起幃。衆女作樂。笙簫雜奏。聲隱隱聞外。賓客滿四座矣。上座多海內詩人墨客。下盡雞鳴狗盜輩也。一日有僧來請謁。廷伯延之入。年過六十。頽然一老僧。鬚眉皓白。聆其語。作閩音。知爲閩中人。詢所能。曰。出家人來乞布施耳。何諮能也。能則力足。自給不假。托鉢公門矣。又問何需。曰。請飲。乃命担一巨甌。至中容酒可一石。僧又請得兩空罍。跣足脫草屨。納其中。然後蹲踞。作勢立。俯首張兩臂。抱甌以口就飲。如蛟龍垂首下飲。江河中。喉間汨汨有聲。不移晷。馨矣。察其容。了無酡色。方從容拔足起。所納空罍中。以手拂拭之。水汁沾濡。淋漓而酒氣氤繞。足指間視之。酒盈罍矣。廷伯則大驚。問何以至此。曰。無他。老僧善治氣耳。乃知其酒雖注腹中。而能運氣下達。驅

又盛者

酒涌足心出也。於是禮僧爲上客。然僧旣一獻其能。後遂絕口。置不道。居久之。亦無他異能也。有少年客後來居僧下。自以工拳勇。矜負其技。絕高心。不平。僧出已上。凌若無物。僧亦不與較。一日方會食。少年踴躍操棍舞几筵間。以自詡其技。進退便捷。而僧睹微笑。若甚不足於意者。少年怒。盛氣直前詰曰。師其不足予技乎。僧曰。然。汝氣矜。隆己甚。不亟治。終不足與語乎技矣。少年譁辨曰。吾與子言技。不與和尚參禪法。何氣治不治之有。僧乃進曉之曰。若雖欲侈言技乎。然汝棍圓而不方。滑濯而無有。觚稜亦未足以語於技也。少年則疾叱之曰。棍豈有不圓而觚稜者。若何而方。若何而有觚稜。子其有以眎我來。毋徒空言爲。且語且舞。棍前嚮僧下。逕劈其首。僧方持箸食。驟出不意。亟豎一箸迎之。棍忽黏箸。若被吸者。然箸左則棍隨之。左欲右不得。右箸右棍亦隨之。右欲左不得。左少年雖肆力格之。而膠不得開。久之。箸忽上指。棍乃騰。聳入空中。少年徒手辟易。數十步。僧遙謂曰。來吾語汝。是之謂方。是之謂有觚稜。汝用圓而不能觚。此棍之所以脫手而上騰也。

少年慚謝願受教。僧語之曰：汝習慣用圓已久，苟微數十年拋荒，故技盡忘。汝素所挾持者，不爲不足以進於斯矣。夫棍體圓而用之於方面，濯而出之以觚，非易易也。吾二十年養氣運臂力者，又十年三十年，而僅有此雖一技之精，亦豈可以虛僑之心倖致之哉。

潛夫曰：此事無所見於書傳，獨予髫年塾師爲予時言之。後讀吳縣汪大紳著汪子文錄，觀其載莆田僧角少年棍法事，不意乃與此僧絕類。然不言其能飲，并不言僧爲何時人，卽敍少年角棍，微亦與所聞者有間。此特出於傳聞者詳略之或有異。夫莆田故閩地，其爲一人無疑也。而余則獨有喟焉者，粵稽有明中葉以後，吾邑搢紳士大夫居鄉常盛氣燄，豢養異人，劍客輒無慮數十輩，椎埋屠狗之俠輻走集其門，如馮龍泉、顧惠巖（可學）、鄒東湖（望）之倫，皆其比也。及明之亡，闕閱世家，率謀糾家客，僮奴起義匡故國者，於是清廷患之，乃爲嚴約搢紳士大夫，禁居鄉不得干與地方事，以衰其氣燄，久之勢浸墮，輕不爲鄉里豪俠所依歸，而

守。土。官。承。望。風。旨。操。之。如。束。溼。薪。乃。益。循。謹。畏。法。相。戒。勿。觸。禁。網。矣。此。實。世。運。消。長。之。樞。不。僅。關。於。一。邑。一。鄉。之。隆。衰。已。也。故。附。論。及。之。

某公子

錢基博

德清俞丹石言。江南某公子。年弱冠。侍父宦粵中。既娶婦。奉父命偕歸省墓。豐賞巨裝。行道屬目。盜七人相尾。視公子陸亦陸。水亦水。顧戒備異甚。雇有勇力士相衛。雖隨數千里。勿得發。及公子里。伺勇力士護行者得酬賞去。乃夜劫其家。踰牆緣屋。窺公子寢室。據簷下視。室中無一婢侍。而晝燭通明。夫婦隅坐喁喁情話。互三鼓。猶勿休。盜心不耐。鎗銀築刀環作響。驚之意必震擾。呼僕婢而燭頓滅。寂無聞。聲盜駭。莫測所爲。不敢下。欲去。自以遠道。問關無所得賞。歸徒。手心又不甘。亟屏息。伺久之。室中燭忽復明。扉闢。夫婦盈盈相偕。便裝秉燭。持劍自內出。公子左手執燭。而右把劍。其婦反之。右執燭。而左把劍。綽約偶公子立。公子嚮屋呼曰。屋上人何爲。速下語我。盜益驚駭。疑公子夫婦必擅武技。然已無如何。不得已。偕下。

持械環公子夫婦曰。吾曹兄弟七人。迢迢侍公子千里至此。獨能無所餉遺乎。公子曰。易耳。立出兩千金予之。人三百。盜喜不敢肆求。分攜金欲行。公子止曰。遲之。汝曹雖桓桓。然軀重逾兕虎。來時踐屋瓦有聲。故吾早知之。今腰纏重金。當益蹂踐。吾屋瓦盡矣。去。可闢大門出。吾予汝燭。盜身已負重。心實憚履危。又自恃其衆。如公子言。抵廳事。伏起。猝滅其燭。盜暗中自相格鬪。致重創。悉擒而繫之。究不知公子藝何如也。

潛夫曰。人或疑公子藝實無所能。徒以懾盜。然予觀公子從容係盜若無所事事。何其暇也。此正如李廣之將兵。不爲行陣部伍。必非無所挾恃而然矣。

秦大秦二

錢基博

無錫秦大秦二兄弟也。生負絕力。能以指彈碎羊豕骨。早孤無父。其母課之。懼。二子讀書。紛慮外鍵書室。使讀書其中。禁不得出。自治針黹室。外監之。自以爲束。二子嚴。雖頑無由爲非矣。而不意二子闢旁戶。能踰躍窗垣。逸出擊人於市。事畢。輒

從徑路斜馳歸。仍踰垣入。據案琅誦。兄弟常迭爲居。行弟居讀室中。兄行弟亦如之。其母處室外聽。似二子未嘗輟讀。有人走訴其子。輒不信。其人固言之曰。母二子果盡在室中乎。母不得已起視室。鍵下鑰如故而室中書聲方琅琅相響。答啓關入室。察二子容止言談甚和不似。頃間與人相毆者。問所讀書背誦無躓字。反疑訴者爲譌。言詰之曰。若視吾子似適間輟讀。鬪毆人者乎。訴者亦疑莫明也。後母稍知之。製鐵練加二子身。各鎖其一足於書案。數之曰。吾知汝二人頑健有力。雖練烏足以繫汝。然吾不任受人以縱容兒子相訶責也。汝二人猶知有母者。當俯首繫勿動矣。二子雖力足破鎖。然性孝畏母甚。竟受教勿敢違也。久之母又憐之一日。母自以生日縱使出門外。小立。誡曰。勿遠行。勿滋事。違予教終繫汝。勿釋使出矣。二子唯而出。已睹一僧柝柝擊魚乞布施。方踟蹰門外。門故臨河。兄心嫌僧柝柝不已。斜伸一足略撥之。僧直跌出數十尺許。越河仆於地。良久乃起。槃散繞河過。抵其門。注視秦大少。時合掌謝曰。僧知教矣。期三年必來問。公子起。

居秦大了。不措意。惟心畏母。知揚長。攜弟入侍。母寂不知也。母好佞佛。歲餘。攜二子謁臨安諸佛寺。便道抵靈隱。主僧出見。乃當年被跌僧也。睹秦大來大喜曰。公子何幸。辱荒寺。大知僧意不善。亟屏人詢曰。汝欲何爲。僧曰。念公子一足之惠。久不報。非禮。頃老僧不自揣技薄。須公子教耳。大曰。予侍母來。祈佛母。胆弱。幸毋相驚。俟予奉母登舟。當還。卽汝僧激之曰。公子好男子。應勿虛言。相謊諾之。已侍母登舟。將解維。佯驚語弟曰。某物遺寺中矣。當還取之。囑榜人停橈相待。乃重返入寺。見僧中坐徒數十人。持械環侍。懼曰。和尚欲衆斃予一人乎。僧曰。此予弟子。雖助予。不爲天下人笑。大請曰。予不意和尚恃衆暴寡。頃已一人至此。必欲一計。汝衆數知予當死。汝曹幾何人之手。雖死。庶天下後世人傳說。予者謂秦某。不爲鴛夫。幾何人。塵得死之也。予死亦瞑目矣。僧許之。大伸右手。一食指。指其衆數曰。一二三。以次至四十八。還指僧曰。連汝四十九。和尚語畢。返身疾走出寺。諸僧都瞠目視。勿能出聲。動竟視大從容去也。大名大用。西來其字。亦十八武師之一也。

二勇力亞於其兄。時比之季布兄弟。

潛夫曰：秦大宦家子，特以游俠善搏擊人著稱於世。嘗擊獮騎，擊悍卒，擊運艘，軍擊大吏，虎役衆雖數十百人，大徒手往無不顛。路里中惡少欺虐善良，聞大至皆斂匿。善騎射，左右馳騁，發必洞的，接其貌，恂恂儒雅也。亦能詩，頃有傳者，茲不著。

莫懋

錢基博

明有莫懋，字文懋，一號雲樓，無錫人也。儀表瓌偉，生而猿臂，勇力絕人。里少年數十，戲持矛呼譟圍之，一躍而出，倏若飛隼。如是者三，終勿能圍也。嘗有闖入載舟過錫，驕橫異甚，索重賄，係驛丞舟柱，笞以鞭。懋見之，勃然怒，一躍登其舟，提闌擲之水，復躍而上，僕從不能近，闌爲奪氣，莫之何也。及壯，折節讀書，工書及畫，善壁窠大字書法。郭熙、高克恭，旣成，倣張旭狂草題詩其上。遇知己，卽贈之，非其人，雖重賄不能得片紙。晚作一松石圖，中爲長松千尺，一巨石虎臥松下，筆勢怪偉。最自賞愛，雖所親，暱勿與。令王仲儀貌己，像其上，跌坐於石上，蔭古松，蓋隱以松石。

自喻其堅貞也。子息中孝宗宏治十二年進士。與餘姚王文成守仁遊。文成因爲題讚於圖焉。

潛夫曰。閹宦之禍。至有明而極。吾讀張溥五人墓碑記。未嘗不爲之掩卷三歎也。夫閹不過刑餘之小人耳。當其口銜天憲。使於四方。遂不憚囂然自大。雖有強項者。莫之敢撓。何也以投鼠則器有所忌也。而懋發憤一擊。其斂。尋大義亦豈出五人者下哉。而世之人。廬乃以畫士稱之。匪所志矣。

南楊北朱

錢基博

明亡。天下有十八武師者。什九勝國遺老也。無錫居四人焉。南楊北朱。其尤著者也。人或優言曰。南羊北豬。云朱少圃者。以字行。居於寺頭之西村。寺頭無錫北鄉也。故有北朱之名。其行事不少概見。惟傳其師事四明盧紹岐。紹岐稱之曰。少圃爲人甚樸謹。當不以炫技自禍。可知者。廬此而已。楊維寧亦紹岐弟子也。字紫淵。睹明社旣屋。知世事不可爲。築室湖濱之管社山。山在無錫之西南。故人字之。

曰南楊維寧卜居其地。規湖爲池。築隄植椶。養魚種芙蓉。藻蔞不絕。翦木燔石。搜別巖壑。迺置層樓別館。高亭曲榭。於湖光山色中。耗費錢數百萬。卽世所稱楊園者。是也。維寧率妻子偕隱。讀書吟詩。布袍草履。與漁樵爲伍。客至非意所欲。見輒拒。勿納。意所可。則延款之。性剛直。膂力絕人。而杜口不言武事。輒喜揮毫作韻語。出言蘊藉。了不似人間武師也。一日鄰里質店。忽接盜書。索鉅貲。拒且無倖。尾署名。則大刀子也。大刀子者。湖濱盜魁也。以善用大刀故名。却所索必無獲。免亦莫敢不應者。主計者得書。窘甚。乞哀於維寧。維寧謂之曰。大刀子技勇冠羣。盜且徒。又衆來者必非寡。予一人恐不獲勝。能得朱少圃與俱者。乃可取之。急足延少圃。而自隨。主計者入居質店。爲覆大刀子書。許獻貲如數。約日來取。大刀子先期乘馬。率衆攜械。蠶擁至。取貲勢洶洶。而少圃道遠未及來。維寧心亦恟懼。不得已持刀隻身出應之。呼曰。若誠勇者。速約。若衆勿得前。若單騎與吾鬪。若用刀。吾亦用刀。勝者取貲。須一人助者。非丈夫也。大刀子許之。揮衆獨前。與維寧戰。運刀若飛。

維寧百計伺其懈。不得聞。久之。無勝負。戰益酣。維寧倏飛身上屋。陡再瞥下。如鷂下刃。擬其頂。大叫曰。好大刀子。大刀子。驟覓維寧。不得。忽聞大聲發於頂上。心驚不覺。刀稍遲。維寧疾下刀劈之。中其顛。墮馬死矣。盜衆駭散。莫敢攫維寧刀者。然維寧刀法。匪所長。尤善使雙鞭。疾舞。則水潑不入。而鬪盜。特以刀者。徒以大刀子善用刀故也。大刀子已死。而少圃卒不至。

潛夫曰。予讀餘姚黃太沖先生南雷文定。中有王征南傳。謂少林以拳勇名天下。然至於搏人人。亦得以乘之。有所謂內家者。以靜制動。犯者應手。卽仆。故別少林爲外家。蓋起於宋之張三峯。三峯爲武當丹士。徽宗召之。道梗不得進。夜夢元帝授之拳法。厥明以單丁殺賊伯餘。三峯之術。伯年以後。流傳於陝西。王宗爲最著。温州陳州同從王宗受之。以此教其鄉人。由是流傳於温州。嘉靖間張松溪爲最著。松溪之徒三四人。而四明葉繼美。近泉爲之魁。由是流傳於四明。四明得近泉之傳者。爲吳崑山。周雲泉。單思南。陳貞石。孫繼槎。皆各有授受。雲泉傳盧紹岐。今

世所傳南楊北朱者皆紹岐弟子則兩人者亦內家也抑予聞楊維寧兩鞭頃猶藏管社山神廟中鐵製絕巨不下五六十斤去歲有人往訪之惜亡其一矣予謂異日儻得移陳殘鞭於地方博物院中可以厲邑人士之武風焉予又聞管社山麓有藏兵洞者相傳爲維寧當日謀匡明社潛藏軍器處云

潛夫又曰予聞之宗人子才徵君謂山陰吳興祚知無錫縣時有以維寧謀叛告者言其人勇難當興祚心懼不敢動密使人覘維寧踞案吟哦披讀新科制舉文字琅琅正在得意時也興祚笑曰此村秀才耳胡爲者遂免於禍

范龍友

錢基博

無錫范龍友亦十八武師之一也諸生生有神力平居力無所用則樹一石楚庭中時時駢中食兩指嚮作擊刺狀洞孔其上不啻洞爛泥久之孔纍纍積數什伯望如蜂窠居蕩口以其術教授弟子然精微所在深自祕惜有弟子王某欲盡其技乃伺龍友飯驟持長矛刺之龍友手飯甑底當矛鋒鏗然有聲而甑完不碎疾

進。步。跳。入。某。懷。以。二。箸。貫。其。鼻。孔。仆。之。地。其。精。捷。多。此。類。也。後。清。有。天。下。浙。督。李。疑。其。有。異。志。移。檄。名。捕。係。獄。斃。焉。或。謂。讞。定。龍。友。戍。極。邊。不。知。所。終。云。

潛。夫。曰。清。初。撫。有。諸。夏。自。知。外。夷。僭。盜。不。爲。人。心。所。歸。往。惴。惴。懼。天。下。不。靖。其。誅。鋤。武。勇。實。與。摧。戮。文。士。等。范。龍。友。特。其。一。焉。耳。然。文。字。之。獄。至。今。爲。詬。而。朱。家。郭。解。之。誅。無。人。道。焉。者。則。以。文。人。通。聲。氣。類。多。標。榜。相。護。惜。而。武。力。士。椎。魯。不。解。此。也。及。玄。曄。之。世。允。禛。胤。禎。奪。嫡。相。猜。爭。羅。天。下。勇。士。自。佐。異。人。劍。客。履。錯。宮。廷。胤。禎。卒。賴。其。力。干。有。天。位。自。以。得。之。非。正。心。慙。人。知。其。陰。始。也。翦。鋤。非。類。繼。則。猜。戮。同。體。高。張。網。羅。靡。所。不。誅。而。天。下。武。力。之。士。殆。殲。焉。

清江女子

錢基博

德。清。俞。桐。園。筮。仕。三。吳。以。解。餉。道。出。清。江。將。舍。館。及。門。瞥。睹。一。少。年。張。兩。目。直。視。口。涎。流。頤。左。臂。側。垂。而。獨。伸。右。臂。反。其。掌。下。嚮。若。有。所。取。瀟。狀。駢。其。足。植。門。外。如。僵。雖。五。六。壯。夫。喧。譁。推。挽。莫。能。動。傍。有。老。人。諄。呵。曰。汝。曹。浮。薄。子。鮮。事。強。調。人。家。

女。郎。微。叩。求。此。姑。姑。者。此。子。不。得。活。矣。桐。園。心。怪。其。故。就。問。焉。老。人。應。曰。頃。有。一。行。道。男。子。攜。女。郎。載。獨。輪。輶。車。女。郎。翹。纖。足。車。軾。銳。小。結。束。若。錐。諸。人。道。見。之。乃。羣。激。少。年。謂。能。一。握。此。粲。者。纖。鉤。當。不。吝。酒。食。相。壽。少。年。忻。諾。意。其。必。宿。於。此。乃。隨。諸。人。繞。道。先。立。門。側。須。臾。車。止。男。子。負。被。裝。先。下。入。門。女。郎。方。欠。伸。欲。起。少。年。猝。出。手。握。其。足。諸。人。正。注。視。欲。出。聲。謹。笑。不。意。少。年。掌。甫。觸。女。郎。纖。趾。而。忽。睹。其。體。若。寒。噤。揚。手。不。得。下。女。郎。了。若。無。覺。盈。盈。下。車。而。少。年。兀。植。如。故。諸。人。心。知。有。異。視。之。僵。矣。語。畢。回。頭。語。諸。人。曰。此。爺。大。好。體。面。似。官。人。儻。得。官。人。好。言。相。慰。此。姑。姑。渠。或。看。官。人。面。貫。此。子。生。諸。人。聞。老。人。言。羣。乞。桐。園。爲。緩。頰。桐。園。心。欲。究。其。異。許。之。偕。諸。人。入。見。一。女。郎。方。盥。面。羣。呼。曰。是。矣。乃。環。嚮。叩。首。曰。適。有。一。少。年。犯。姑。姑。頃。猶。僵。立。不。動。諸。人。今。已。知。罪。乞。恕。之。男。子。在。側。驟。睹。狀。大。驚。詢。得。故。咎。女。郎。曰。吾。儕。異。地。人。道。此。何。事。傷。人。桐。園。從。傍。僂。言。代。爲。請。女。郎。哂。曰。輕。薄。兒。直。須。撲。殺。倖。官。人。爲。好。言。當。釋。之。乃。翩。然。出。戶。外。輕。掖。少。年。右。臂。少。年。忽。出。氣。作。噓。聲。

活矣。後少年視已右掌見掌心黑點大如黍則所觸女郎蹤履泥痕也。

潛夫曰。我聞在昔溫縣有喬三秀者。工拳勇。客游臨潼。日晡遇一垂髫女郎。青紗蒙面。跨一衛喬頗佻。疾馳馬迎之。將揭其障。面女一足起。喬離鞍。仰跌三丈外。以視此女聲色不動。文雅如許。大覺彼姝者子莽儉不侔矣。

馬永貞

錢基博

馬永貞不知何處人。勇無倫。嘗鬻技上海之城隍廟中。大言揭示十二字曰。腳踏黃河兩岸。拳打南北兩京。辭頗鄙率。然其人材武可知矣。人亦無敢與爲敵者。當是時。上海互市匪久。然商貨闐集。而馬路四通。冠蓋如雲。載馳載駕。頗需馬。故販馬者叢萃於其地。其人大率魁桀有氣力者。永貞怙力自多。鬻索金。不予。又索馬。羣販心知力不敵。許之。則又劫之。曰。汝曹得無留良焉。而驚應我乎。我必自擇之。羣販不得已。亦許之。隨以手逐扣馬額。連稱曰。未究不取一馬。而馬着永貞手者。都內創死不得鬻。羣販心恨無誰。何陰使其黨朱三者投永貞。學頗惴惴。恐不獲。

永貞次矣

盡傳其技不意永貞絕愛喜二饒於力謂爲可教悉授之技久之羣販知三力足制永貞堅邀三必同往戕之三自以受永貞教且相待厚意不忍乃微語永貞曰某日羣販者期師某所幸毋往恐不利於師永貞曰馬某足跡歷海內幾徧海內魁豪我涕遺視之顧怯若輩鼠子者乎不聽揚長往所期地則一鄉僻小茶肆也入坐甫定進盃永貞方欲俯首就盃羣販乘不意猝出石灰裹擲永貞面裹裂灰騰眯永貞目不可開羣販乃進刃攢刺永貞目既失明知不免張空拳奮舞所抵擊無不立斃者羣販左右騰挪避永貞拳永貞尋足聲所嚮飛右足起蹴之被羣刃下砍截其足爲數斷仆地又躍起刃齊下永貞死朱三既語永貞不見信乃佯若隨羣販往佐擊永貞者已見永貞目盲心不勝憤反兵擊羣販販怒詬三賣友聚刃之力不勝亦死三可謂不負永貞者矣永貞既死之三日有婦人投縣自稱馬永貞妻擊鼓鳴冤官出訊之曰某某殺吾夫者也吾必復之幸勿以小婦人殺人論抵也語畢倏竄躍無蹤迅捷如飛鳥云

毒惡

潛夫曰。聞永貞之世。上海有比利時人。稱曰黃髯翁者。亦歐西力人也。嘗訪永貞城隍廟。與角力。見廟殿前有鐵爐一。製絕巨。號稱千斤。乃擎繞殿走。二匝而永貞能餘一焉。黃髯翁亦爲悚然。信大力矣哉。

塚山農夫

錢基博

塚山在無錫縣東三十里。俗名吼山。其麓有農夫焉。姓錢氏。佚其名。渾名爛橙子。不知何所取義也。嘗有僱屨水於田者。爛橙子應之。其人囑曰。必以五人爛橙子。諾。盡領五人。僱值明日。一人至。其人詢曰。餘人來未。應曰。行至矣。速具食。食。我。其人卽出粥食之器具。五人食爛橙子。乃從容徐啖。及半。其人久不見。餘人來而食已過半。又詢之。爛橙子且食且答曰。須臾至矣。盡食所具。五人者。食而餘。四人無一至者。其人驚疑。又詢之。爛橙子拍胸應曰。予一人可勝五人。若求水。盈汝田足矣。起攜鐵撐。二植屨水處。力按入地者逾尺。中隔丈許。置水車。又取巨毛竹。架鐵撐。上手攀而足踏。水車屨之。其鄰車屨水者。上有七人。心欺爛橙子。一人猛力齊。

辱而爛。橙子一人所辱。水滾滾常溢於鄰車者。倍莫能難也。爛橙子耕田數十畝。而抗不納賦。官飭吏係追舟下鄉。輒被毆辱。且詬曰。吾力耕自食。何與汝輩事。吏無如何。知不可力縛。乃好言慰之曰。官徵比甚嚴。儻追不獲。必笞吾輩。若好男子。何所畏。肯一面官自言乎。爛橙子曰。可泊舟石埭橋。待予俟取被裝來。隨汝去。石埭橋者。岷山南五里許之一橋也。歸家取場圃石碌礮。裹袱被裝。狀重數伯斤。肩負立橋上。伺吏船過。下擲船首。曰。且將被裝去。予行即至矣。船首轟然震裂。舟幾覆。吏知其下船。必無善狀。捨之去。白官飭丁壯十數人。下鄉協捕。爛橙子即挺身登船。中途謂諸人曰。若等肯容某中艙一臥乎。諸人許之。起偃僕下。艙橫臥。足纔抵船。舷船已底裂。水入沈於河。死者二人。官大怒。調營兵捕之。爛橙子遁入太湖。潛水七晝夜不死。惟苦氣促。不得舒。折蘆管口銜。出水上。呼吸會漁舟過。見水泡沸沸遊漾水面。以爲魚也。持漁釵力刺中其首。遂死。

潛夫曰。此光緒十一年事。吾又聞無錫新安鄉有農者。生與爛橙子同時。其爲人

偉軀幹。一日道行。內急。登野廁。廁故傍河。農蹲踞。昂其臀。嚮河而手執短烟管。銜口徐徐吸。狀甚倨肆。適有船中流過。船載鏢者。居鷄首閒眺。見而惡之。袖彈弓。注丸擬農。臀農適揮管。嚮後擲。煙燼驟與丸遇。丸鐸然落地。鏢者駭絕。以爲非常人也。泊舟投岸。拱謝農。從容持禪起。笑謂曰。君何作劇。微予必爲踣矣。鏢者隨請詣其家。贈金而去。後過其地。必贈金。且相戒。儕輩毋撻農。怒也。其實農非爛橙子者。比特軀幹碩甚。偉觀而已。

梁興甫

錢基博

蘇州梁興甫者。明永樂時力士也。嘗往南京。息聚寶門。見守門軍。晝掠人物。心甚不平。因以好言論之。軍慚怒。搏興甫。興甫連踏數軍。軍以達於指揮。下檄逮興甫。興甫昂然。隨檄至。指揮署。指揮心懾其勇。置善搏者什人。堂上。堂下列勇士伯人。然後傳呼興甫入。興甫見指揮長揖不拜。抗辨辭頗慷慨。指揮心異之。指其衆曰。聞若技能儼能擊。散堂上下衆者。任若何往耳。興甫卽結束下堂。拳所嚮處。颯颯。

吳必搏

有風。衆皆斂手。避徑出其門。無敢止者。嘗客中山王府。夜侍王講。請曰。今夕獻薄技。爲王侑酒。可乎。王曰。若何而可。興甫呼僕攜一鐵箍。舊桶置地。去座五六尺。隨取竹篾。座上編圈。大小略似桶。隨手擲之。倏將桶腰箍密而舊鐵箍落矣。再作一圈。復如前擲之。恰合桶底。而桶底舊鐵箍又落矣。王大驚歎。以爲神技。然興甫藝力絕人。而細弱。纔如嬰兒。挾技遊北京。見有一勇士與陳蠻子者。戲相搏。甚酣。兩人者。素號多力。興甫旁觀竊笑。兩人搏已。勇士猝提興甫。手中左右擺欲擲。詢曰。汝欲東耶。西耶。興甫曰。第隨所之。語音未絕。興甫已立於地。而勇士踣矣。陳蠻子怒。徑前捉興甫。兩手按於牆。牆爲之動。興甫突起。右肩蠻子。胸蠻子。不覺亦踣良久而起。與勇士皆再拜。願爲弟子。以是名聲益高。時廣西有僧名勒菩薩者。生平拳術無與敵。慕興甫名。遊食至吳。訪興甫。搏於北寺。寺有施食臺。高尋丈。闊倍之。二人登臺對搏。久之。興甫一拳中僧。右目睛突出於面。僧以手抉去之。自分必死。益奮力。角足蹴興甫。墮臺。傷其胸。興甫歸。內傷。二日死。僧亦三日死。

潛夫曰。興甫性頗任俠。有惡少日聚人賭。必盡人貲。乃已。興甫聞之。攜一筲。斗大可容半石。中置錢數千。以往惡少方博樓上。興甫至。與博。佯敗。後乃大勝。作欠伸。曰。我倦欲歸。不博矣。惡少憤欲詬侮之。興甫以樓狹。不可用。武盡取。博勝得錢。實斗中幾滿。以兩指撮。斗唇直其脣。徐步下樓。從容若空斗。然惡少大駭。不敢肆侮。詢之人。知其爲興甫也。此予聞之。姑蘇一布商柳姓者。固不僅技勇可嗟異也已。

石勇

錢基博

石勇。温州東鄉人。少失怙恃。雙眸炯炯。雖黑夜能遠視數十里。食兼人食。家貧不能得一飽。有戚奇其量。煮斗米十肴啖之。戲詢曰。飽乎。勇攢眉良久。應曰。否。否。主人大窘。以索食。廚已空也。其舅某。塲工也。毗羅寺僧備造殿。乃邀勇往作役。役徒叢集。担者負者。不下數伯人。舅誓於衆曰。能運磚石一次。重伯斤者。每伯斤得與之錢二十重倍。與亦倍之。卒役受傭。值仍如例。衆皆踊躍。然他人率爲力所限。無能多負。而勇獨左右肩承。往往數倍於衆。顧必繞行避寺中菜畦。路迂遠。勇心嫌。

之竟破籬率衆橫跨畦過蹂踐寺植菜蔬縱橫靡所不履菜傭見而譁阻勇怒舉
肱一揮仆者數人餘或辟易走赴寺告主僧主僧者曾爲邊帥亦勇有力人也出
視見勇東西逐菜傭衆譟和之叱曰汝曹何敢爾勇瞋目詬曰禿方外人乃與汝
爺事耶疾飛擔幹擊僧笑避伺勇益進駢兩指扣勇肩勇痛不禁委木顛衆相
顧失色委勇竄避勇伏地乞宥僧曰豎子有幾斤力便目無人耶盍起隨老僧來
手扶勇臂痛頓失隨至寺僧詢勇何便爲此曰小人力食恆不能果腹冀多負倍
得錢謀一飽餐耳僧曰汝善啖乎寺廚雖寡藏當足汝啗何不早告我而損我蔬
也語畢顧左右欲有言勇亟曰儻得蒙賜食幸甚奈不慣寺中蔬食何僧見其狀
殊可哂睨之笑曰寺中例不許食肉此戒勉爲汝破矣老僧乃不意汝更饒肉遂
命炊飯蒸肉盛巨盂佐以雞魚數品可十人餐勇狂喜大啖頃刻已盡撫腹拱謝
僧命錮一室三日無與食飲至期瞰之則神色自若僧曰孺子可教誠非碌碌者
時清德宗御宇之二十年也方是時中日失和某經略備兵閩浙禦日需人才僧

故。經。略。僚。吏。也。作。書。予。勇。辭。其。舅。賈。往。見。經。略。得。官。把。總。引。卒。千。人。隨。副。將。張。必。勝。守。海。口。礮。台。一。夕。夜。半。諸。將。吏。枕。戈。臥。方。酣。忽。礮。聲。轟。然。副。將。遣。人。視。奔。告。石。把。總。恆。擾。擅。發。礮。副。將。怒。縛。勇。欲。斬。之。申。經。略。經。略。知。有。異。傳。勇。詰。責。勇。曰。某。豈。病。狂。適。因。守。視。時。遠。見。數。里。外。有。敵。船。向。台。駛。某。恐。其。乘。不。備。襲。我。往。復。稟。報。輾。轉。誤。機。事。耳。副。將。在。傍。斥。曰。汝。欲。誑。言。誦。大。帥。耶。正。駁。詰。問。俄。海。諜。報。至。言。敵。船。二。駛。口。外。爲。礮。台。擊。沈。其。一。其。一。創。而。走。經。略。知。勇。言。信。喜。釋。其。縛。謂。副。將。曰。汝。徒。高。官。乃。鹵。莽。不。明。功。罪。若。此。是。汝。才。不。足。以。蒞。勇。也。今。奪。汝。官。與。勇。而。以。勇。官。昇。汝。者。汝。心。甘。乎。副。將。慚。伏。不。敢。言。

潛夫曰。此會稽陶臬司杏南嘗爲予言者。頃讀邑子張選手繕瘦石偶記亦載之。謂其遭際遇合。殆與蒲聊齋所誌大力將軍相伯仲也。不亦然哉。後勇仕至福建水陸師提督。其名位差亦比肩云。

僧念亮

錢基博

念亮者。無錫嵩山寺僧也。太平天國黃和錦克無錫。遣兵徇嶽山。嶽山在嵩山西北十里。居民聚衆。邀念亮往同禦之。念亮持鐵鞭奮身。獨出適一驍將握大旗馳馬。揮衆來迎。敵念亮邁步竄入。所乘馬腹下貼臥馬驚。駛躍倒撞。其人下馬。揮鞭疾擊。碎其首而拳其旗。和錦兵奪氣衆譟而前。大敗之。

潛夫曰。予家老僕華老。老爲予言。念亮俗姓楊。四川人。或曰其人故大盜也。殆以捕急。避官中人眼目。削髮變貌爲僧云。

王子仁

錢基博

王子仁。江陰周莊人。儒而貧。授讀同村武舉人家。室廳事側。廳事爲武舉人教子弟習武之所。係繩樑間。懸布囊中實以斗許砂粒。重數十斤。名曰砂囊。擊之以練臂力。而囊懸當路。頗障行。子仁出入必以手推之。始頗覺重。不任久之。慣無所難矣。一日解學歸。躑躅行隴上。有樵夫相迎。擔薪至道。狹不能避。子仁衣敝舊。粹爲薪壤。子仁怒。訴樵。樵不遜曰。若衣自不牢。乃欲咎予。擔薪乎。子仁拉薪。擔必欲

責樵償樵欺。子仁懦不武，捨擔奮拳欲毆之。子仁怒，伸手推樵，如推囊樵大吼，倒跌十許步，仆地僵不起。子仁心怕，欲遁已爲耕者所見，執訴官。官素號明察，蒞視命仵人驗報，謂樵者左胸當子仁手所着處，肋骨盡折，嚮內陷傷心臟，故死。然非有拳勇者不能相創。若此子仁泣自陳，非拳勇者官則訊子仁何業。曰：授讀武舉人家。曰：子從武舉人習藝乎？曰：否。然則子若何推樵者？子仁具言樵者相毆還推狀。官則又曰：推以何手？曰：右手。官命起側身用右手作推勢，選壯夫僞爲樵者立其前，當之觸手翻轉如秋葉，有數人疾扶其人，乃得止。勿傾跌。子仁亦愕不自解。何以右手力致鉅？若是官呵命之曰：易左手。左手推則絕無力，其人止勿動。如故。官謂子仁曰：汝家離此幾何？曰：不遠。曰：吾欲臨汝家稍憩，汝導我抵所居。察之無戎器，不似武勇者家。又命導視武舉人家及門，呼先子仁進。官隨之登廳，事適道。砂囊下過子仁無意起，右手推之，囊應手去數丈。官見命易用左手推，纔微動不及尺。官曰：止得之矣。此若習用右手推囊，日久遂不自知其力滋長，而左手不用。

故力弱不任推也。惟樵不慎損人衣。又不遜欲毆。而若手推之。以自衛。情非出於相殺。是若罪有可原。而樵咎由自取也。吾姑寬若。勿論抵子仁感激出涕稱青天叩首無算。判是獄者。聞爲鄞縣陳康祺云。

潛夫曰。吾又聞有村夫子。教村童書。童或輟讀。輒喜。駢右手。中食兩指。拍棹以相警。久之拍處。凹成窪。亦不爲意。一日道遇友。戲拍其肩。友劇痛。手痿不能舉。延醫視。蓋肩骨折也。聞者莫解其亦此類也夫。

嘉定老人

錢基博

嘉定老人不知其名。似丁姓。予遇之潯陽客館。與對室居。見其手煙管口銜。吸倚几。坐室門閒眺。視所及目。有光奕奕如兩竿竹。隨目以運心。愕異走其室。拱謁。蹇然一老人。鬚髮雪白矣。老人起延坐。辭色頗謙。予餽之曰。翁視炯炯。必有異能。翁哂不應。亦不謝。館人故識老人。從旁僂語之曰。客負絕伎。今又閒無事。肯懷不一試博此爺笑乎。老人則掀髯大噱。伸手取几上銅元數十枚。齊緣若貫索而指撮。

其兩端曰東壁柱有大小木星二連若葫蘆視吾擲中之何如語畢銅元應聲脫手飛而不散落鏗然中柱上齊嵌入整圓若小銅柱木星深蔽不得見數之得三十九枚予大驚伏曰吾故知翁異人也後館人爲予言曰老人占籍嘉定業販瓷每歲必買貨於此嘗授徒數伯人惟一少年爲所愛能得老人傳而不盡顧頗自喜戲欲踣其師老人曰豎子乃欲戲老夫老夫今坐勿動設能踣者任若何欲耳少年百計不得踣一日見老人俛首坐假寐口涎垂及尺以爲可踣乃掩其後雙手攀老人肩老人不覺仰頭觸少年胸少年遽仰似欲先老人踣者老人疾反兩手後伸捉少年手倒提擲已前兀立欲動勿得動流涕被面口哀老人曰師倖恕予予身麻木欲絕矣老人笑曰小苦自愈微老人捉汝勿俾跌者汝則大苦矣汝乃不知感乎少年雖哀無誰何久之乃能行動自遂云

潛夫曰老人又自言甲午戰後有日本人嘗欲師予以重金爲贄予則告之曰汝吾敵也吾國將士死於遼陽之役者不知幾何吾今授予以武術子或盡吾伎以

授。子。國。人。而。反。刃。於。我。國。子。之。計。則。得。矣。而。吾。何。以。對。國。人。哉。吾。不。忍。也。其。人。固。言。火。器。瘞。烈。伎。擊。無。裨。於。今。日。之。戰。鬪。予。應。之。曰。無。裨。戰。鬪。子。又。奚。學。焉。夫。子。吾。友。也。吾。儻。誑。子。金。授。子。伎。而。不。盡。其。術。則。是。吾。不。信。於。朋。友。也。吾。亦。不。爲。也。然。子。必。彊。吾。勿。欲。吾。祇。有。誑。子。而。已。異。日。倖。勿。以。見。誑。相。督。過。也。其。人。慄。然。而。退。嗚。呼。若。老。人。者。可。以。風。矣。

庖人

錢基博

無錫林今吾作客江右備一庖人見其袒背治膳有刀痕一縷緣脊下劃然溝其背爲兩心疑之問焉庖人面若甚楚應曰予劇盜也今勿敢爲矣今吾曰何故庖人曰予不爲盜久可爲主人言之予游某地見荒野危樓聳雲漢四無比鄰然離市不遠問之市人知爲一老寡婦居富有贖產無子方嫁其女爲治衣飾甚盛私念嫁女必豐衣飾此人情雖不如告者夥願沈沈當可飽橐歸也且婦女何能爲毅然往夜登其屋聞室中作老婦人聲呼曰首飾匣藏未慎防小人眩篋去也一

女子應曰：藏某室東壁第幾箱，加鎖矣。予既竊，聽知藏所，心益忻喜，謂探囊可取。良久，伺無聲，匍行趨簷，兩足鉤椽頭，倒掛垂其身。手攀樓窗撥關入，如頃間所聞。女子言：啓箱取匣，出躍窗下，將及地，微覺寒氣一縷，襲背若淋，體噤欲痿，抵地欲起，立已不能直。其躬不覺背痛，若拆大驚，號宥命。忽聞女子聲，臨窗呼曰：若何人？予忍痛應曰：予某倖乞娘宥。女子叱曰：若狗若思吾家畏盜者，亦不敢以母女兩人踽踽僻處此矣。若乃不自量盜吾家乎？既知乞宥，姑貫汝。予曰：雖蒙娘宥，然予痿不能興，奈何？女子笑曰：此創大不宜治，治則加痛矣。惟不治不能興，畏痛者無治。汝自審思。予哭曰：吾不任加痛矣。女子曰：亦任汝狗痿地耳。予乃大號，怕曰：吾豈長痿不能興乎？願治。願治。女子叱曰：勿聲，誰教汝自作自受者？忽覺刃劃背，如割，予不禁長號如斬豕，蹶然興矣。蓋其先女子袖小矢，注射予背，緣脊貫膚入下注及臀，而鏃藏內不出，故欲出矢必剖背開，乃致此也。後乃終不敢爲盜。

潛夫曰：此乃林今吾自述於吾友秦君崇實而相告者。予又聞秦君言：客保定時。

數聞鉅家報失盜保定故總督治所嚴飭府縣緝盜杳無蹤一日有捕人斜倚督轅旗杆與同輩語忽有水流下漬其衣嗅之作尿臭仰視見水流滴瀝自杆頂方斗斗中隱約似物動知有異誠同輩勿聲杆高五六丈莫能上伏杆下伺夜中有人瞥下墜如鳥羣起擊之縛焉遂治如律

李漁

錢基博

康熙間太湖李漁笠翁薄負文采游京師名動公卿其無行人皆知之而其爲盜則人不盡知也有江陰章老人嘗爲予弟孫卿言之自述其高祖總鎮兗州曾祖隨宦焉時滿州某公以帝室懿親巡撫山東邀漁主章奏漁風流自賞暇輒挾諸大僚子姓載酒大明湖徜徉嘯嗽裘馬翩翩大率少年鮮事又天下承平未久大臣子弟例習武備國家干城選不論將家子矣予曾祖以總兵子廁與其間擊劍超距靡所不爲而漁文士從容諸人間時強拉與戲顛仆之以爲笑樂漁被顛起或恢諧自調色不忤故諸人樂與之游絕不覺其有武勇也一日謂諸人曰歷下

風土想諸公子倦游覽矣。南朝景物秀絕人寰。廣陵瘡靡麗爲三吳冠。諸公子盍買舫作廣陵遊乎。漁不恤附舫尾也。諸公子喜載數畫舫。聯檣南下。抵廣陵。繫舟數月。興闌欲歸。行解維矣。漁忽置酒徧拜諸人曰。漁辱從諸公子遊已久。今有急未識。諸公子肯憫援手乎。諸人少年豪快。笑扶漁起曰。先生屬尊何必爾。吾儕敢不惟命。漁起曰。吾頃需金數萬。無所措。諸人聞數鉅有難色。須臾漁又曰。諸公子不能相假。吾知運司庫金銀無慮千萬。視羨者不啻九牛一毫於國帑。無大損諸公子材武。盍助漁取之。諸人相顧駭愕。不敢應。漁憤作色脅諸人曰。諸公子必不相援。漁能自取之。明晨捨少金。諸公子舟他遁。禍嫁諸公子矣。事發累尊公。禍必不輕。諸公子卽能自白。恐不免比匪之罪。能行必無禍。諸人不得已應之。漁曰。信乎。曰。信。漁呼舟人曰。止酒。俟奏凱還。飲至爲諸公子策勳。未晚也。舟人謹應。如雷。諸人益驚。乃知舟人皆漁黨。漁起取佩刀指諸公子曰。此行無爭鬪。不必人人持械。漁操刀爲諸公子衛。諸公子速隨漁登語畢。距躍如飛。先登岸。諸人隨之疾。

慎

趨登運庫屋揭瓦斬樑驅諸人探身下盜金自操刀踞頂瞭望備有變既諸人以次負金出驅諸人先行而漁殿後抵舟命舟人揚帆時酒尚温未寒也漁酌酒飲諸人曰諸公子身下盜庫金而漁纔居屋頂瞭事發不必首漁而從諸公子也諸公子佯好自愛諸人默然歸乃不敢與漁瞻然亦勿敢聲究不知其多金何所用也後有泄其事者爲中朝官所知欲究然事隔數年無左證又以中丞貴戚子與其事恐興大獄甚不敢發焉後余曾祖嘗舉以戒子孫慎交游故爲言之如此潛夫曰漁雖薄行不足道然其玩諸人股掌機智乃爾不凡未易才也予又聞之友人夷吾謂漁生平辨給多口過晚年嚙舌以死聞者快之未識信否姑志之以俟攷焉

戴俊

錢基博

戴俊者亦蘇州人梁輿甫弟子也嘗挾一陝西人游四川其人亦勇士也中途經一山山寺有老僧居山中者數十年見老猿二日相角爲戲其技甚神非世人

可及戲與焉。久之盡得其妙。搏無對。揭字於門。致夸二人。道見心甚之。欲入。有兩童子守門。亦善搏。遂與對手。童不能勝。乃驚入報老僧。呼二人入。謁見老僧。跌坐禪床。謂二人曰。汝二人能勝吾童子。亦高手也。來陝西人競前搏之。老僧坐不動。略舉手。而其人已擲於地。俊繼上。僧仍如前。擲之。俊立不仆。僧異之。曰。汝可教也。留止。俊盡得僧傳。思天下惟僧爲愈已。乘不意殺之。於是技無有與俊敵者矣。抑何其忍爲逢蒙也。

潛夫曰。是亦僧有過焉。甘蠅。古之善射者也。有從而學射者三年。自以爲天下莫己若矣。乃謀殺甘蠅。矜弓而射之。甘蠅張口而承之。嘻曰。子從我三年。未教子嚙鏃也。學射者大驚。播弓矢而謝之。惜哉。僧之不知此也。時南京人有尤十六者。力舉千斤。素行無賴。居恆輒要人道中索飲。酒有不許者。卽怒吼。左手牽人衣裾。右手起道傍人家堦石。置下必許飲。乃脫。俊旣殺僧。挾技客南京。知之必欲一挫之。而後慊於心。一日伺十六觀劇。俊往。傍之立。踐其足。十六大怒。將拳之。俊佯惶怯。

伏地出十六胯。下而十六仆。俊起連蹴之。數十足。乃評謂曰。尤十六。汝不識戴。二官人耶。十六拜謝。乃免。觀者千人稱快。

履店翁

錢基博

光緒二十三年。黃浦有武舉人某家。世習武。年少負力。嘗至上海市履。詆貨不良。賈曰。我貨表裏堅緻。匪是不以售於市。某固明其言之匪實。賈又曰。勿實不取。一錢。某應之曰。信乎。隨取履。力折之底。砉然中斷。哂曰。汝履不任予。手折能任履。予足踐地者。幾何時哉。拂衣欲去。賈雖心恨。無如何。一日。又至市履。如前折之。方譁爭間。一老翁鶴髮皤然。偃僂來。某前戲拍其肩曰。我貨良。不惡。君指何勁也。語畢。徐步入內。而某顏色不覺灰白。若死。兩臂劇痛。不任舉。呻吟輿疾歸。乞哀。其祖祖駭曰。豈某翁耶。此翁我所兄事。爾何犯若爾休矣。亟喚舟奔赴其店。投門。長跪。時夜已深。門閉。不啓。跪至曉。門闢。翁出。握手入曰。何至是。予不意某乃故人。孫授之藥。曰。服此。命不喪。然其手則廢矣。奈何。始某兩臂力能提攜數伯斤。至是不任把。

箸持飯。甑食飲。須人云。

愚以為孫
自可之關
恨必不可

潛夫曰。好勇鬪狠。孟子謂非孝。噫。某也不憚怙力鮮事。終累厥祖。白頭星奔。跪哀於老友。仁人孝子。非所忍矣。豈非古之人所謂忘其身。以及其親者歟。

胡邈光

錢基博

無錫胡邈光。邑秀才。精武藝。善用銅箸。時號無敵。異人授也。其銅箸有大有小大者。長二尺粗一指。許臨大敵用之。小者長尺餘。細不盈指。平時應用之。半藏於袖。半出指端。游於市。見一僧索錢於某店。邈光謂僧貌非良。店遂無所予。僧頗斷。然邈光不措意也。後往武當祠佛中途。寓一庵。庵僧出款。貌似相識。意殷殷。晚餐畢。忽聞礪刀聲。心動視戶已鎖。閉始憶似某店丐錢僧也。例禮佛不得攜械。倉卒無所得。銅箸適見。案間餐具未收。有飯箸二。擱甑上。取藏於袖。以待之。僧啓門持刀入。叫罵曰。爾猶憶某年事乎。挺刀直砍。邈光以飯箸抵之。少頃。中僧手腕刀落。墮地。僧反跪頓地。乞命。邈光曰。從此釋怨可乎。僧叩首聽命。明晨厚款而別。

潛夫曰。胡邇光。生清順治時。吾聞時有大力者。遠道慕邇光名。來訪。值之道。猝出。邇光不意。繞後環。兩臂抱其腰。舉之離地。數尺。按石柱上。詰曰。若爲胡某乎。邇光自以足懸空。無所用力。乃曰。非也不意。大力者手甫釋。邇光卽後起。一足騰蹴。大力者仰仆地。返身。自指鼻尖曰。若今識胡某否。其趨捷有如此。談者輒爲眉舞。云。

白太官

錢基博

白太官。武進人。美風儀。而有勇力。與甘鳳池同師。家貧。客燕趙。以事道出井陘。繞山行者十許里。日暝。入谷。迷失路。四山忽合。茅店如雞棲。門外墨書。壁作客店二字。爲風日剝蝕。略可識認而已。門掩。推入。闔無人。室中繩牀不帳。竹几殘蠟半枝。燼影欲滅。風吹窗紙瑟瑟。作聲。太官連聲呼曰。有人未寂。無應者。心大疑。瞥見左覆一巨缸。振振若動。搖一人自缸下掀缸。探身視。倏然起。出戶外。逐之。則已杳。知非善地。欲去。又地僻無可徙。乃枕刀寢。須臾燭滅。淡月朦朧。射紙窗上。太官假寐。欲熟。隱約聞窗響。覺黑影一線穿窗入。瞥如飛鳥墮牀前。大驚。辨之一女子。體態。

苗條手。雙刀齊下。已不及起。抵疾轉身。內嚮避其刀。刀下砍入牀。猝不得拔。乃急抽刀起。與鬪。技不敵。欲逃。睹窗外似懂懂。有影懼有伏。不敢出。由戶疾上。蹤手承屋樑。奮足踢樑。間椽椽折。瓦飛。聳身出。女隨之。馳逐不捨。疾如駛。崎嶇數十里。曉矣。兩人力不支。俱仆。女暈不醒。而太官起。揮刀欲殊女。逼視睹女美。未忍。乃擲刀掬水。溪澗飲。女亦自飲畢。坐女傍守之。女蘇。感其情。遂委身事爲婦焉。太官攜以歸。太官嘗夜行於道。暗中遇一僧。陡撞太官肩。太官怒。詬之。僧不讓鬪。僧敗。詢太官姓名。謂曰。十年之後。行再見也。後太官載舟游西湖。僧踪至。太官先期知。僞爲僕人服。短褐以俟。僧至。佯言主人不在。僧先鬪太官。暗中初未及辨。太官面貌信爲然。曰。我俟之可爾。入艙坐。太官乃煮飯。飯僧取。櫟木爲爨。掌擘之。皆斷不假刀斧。取箸繩係之。擲河魚必洞背腹。取爲饌。不假釣竿。僧見內怯。念其僕勇猛。如許。主可知矣。畢飯。謂曰。汝主不歸。予不能久待。然十年不見。不可無以爲記也。遂躍窗出手。踞岸上石欄。倒豎足。嚮天作跳虎勢。去視之。石陷成兩掌痕。深入數分。若

刻劃太官不覺悚然。太官性刻忌勝。已出門數載。歸將及家。途見一稚兒。年不盈十歲。堅握小拳。猛擊道傍人家石獅。火星爆射者數尺。太官心駭之。曰：此兒幼小。如此長大。不可制矣。遂與之角。小兒不勝。創且死。大號曰：吾父白太官。何不歸兒。被人毆死矣。太官大驚。然創重無能救。泣負其尸而歸。其婦怒。詬曰：虎豹不食子。若乃過於虎耶。後太官卒。無子。

潛夫曰：太官所居曰白家橋。予宗人謫星太史。亦白家橋人也。嘗以書告其友周君。同愈言之如此。惟其書言一事絕誕不可信。謂太官夜過一處。見一小兒習拳術。太官傍觀良久。微議之。小兒直前拳其心。太官負痛騰足起。趨小兒於空中。墜地折爲兩。俯視石人也。太官亦踣不起。死。予疑其出於附會。故不著於篇。

秃者

錢基博

桐城張已振嘗爲予言。遊京師時。見一秃者。手承雙鐵鎚。大若鉢。自敲其頭。左右環下。起落如風雨。每下輒隆然作響。頭不爲碎。其顛頂當鎚下處。瘡光亮若磨鏡。

矣。觀者或疑其鈍。非鐵索。視質重。莫任舉其一者。

潛夫曰。予見有鬻技者。自按其頭石上。命徒取木棒粗。瘡臂連棒之。了似無楚。是亦禿者之流亞矣。

三山和尚

錢基博

和尚。貴州銅仁人。姓吳。名以幻。無錫。明故將軍。何以培家將也。勇力絕人。豪俠。尚義。避讎。襲僧服。棲止無錫之三山。故人字之曰三山和尚。三山在太湖中。爲羣盜出沒地。有盜夥劫其衣囊。和尚疾避下山。手挈盜舟上。覆豐草中。隱身。匍匐舟下。伺之。盜下。猝覓舟。不得。心駭。欲捨舟遁。又無他途。可通陸。不覺惶遽。甚。和尚兩手揪舟起。奮呼曰。舟在此。盜視舟倒覆。草間負蟲立者。赫然一和尚也。大驚。叩首乞哀。曰。師神人也。後勿敢犯矣。乃攜舟從容置湖。若挈室戶然。盜羅拜。謂和尚不可當也。明亡。總兵黃蜚屯軍湖中。曾分兵攻無錫南門。與清兵戰。和尚適以事過其地。倉猝無所得兵器。乃入民居。得切麵刀及板扉各一。左手持扉作盾。捍刀。矢。右

手舞刀大呼突陣助蜚兵橫截清軍馬足馬仆截人所向披靡清師奔避入城其勇敢如此

潛夫曰明之亡也清將吏下檄捕何將軍甚急將軍挈家避往三山居和尚所和尚恐人迹知之欲與偕亡將軍不可卒被害遺二妾奴謝陞欲逼妻之妄言將軍許我矣和尚佯給奴與俱買舟入城市畢姻物中流抵五里湖變顏數奴罪揮刀斷其首投尸于湖其忠義有足多者豈非皎然不欺死生丈夫哉語曰一死一生乃見交情予以是賢和尚也

潛夫又曰予又聞和尚嘗與邑人胡邇光秦大用二人應主漕事者畢司理宗吉聘徼循北塘伺漕卒登岸譁滋事卽捕擊之蓋國變後兌漕旗丁橫甚每艘篙工水手不下數百人持梃攢集三人者袒臂格之無不顛仆墜水乃俱竄伏擒其魁縛獻治如律時順治十六年己亥也後乃稍戢云

蔣志善

錢基博

無錫江陰巷陶某。精研武術。號稱究內家。善用槍。尤能自成家法。世有陶家槍之目。武官蒞是土者。無小大。必先禮謁其廬。無敢慢。有蔣志善者。咸豐間。嘗官守備。無錫者也。獨不禮焉。陶怒。盛氣往謁。見蔣長身。皤腹。肌肉墳起。知必孔武有力。內怯。氣頗懾。不敢輕發怒。歸。蔣乃報謁。請曰。聞陶家槍精妙無敵。某驚不敢請槍法。願賜君槍觀之。陶素以槍法自負。出槍。眎不覺擺舞作勢。蔣亟止之曰。君槍法自是猛。無匹。惜槍幹劣。不任舞。稍用力折矣。奈何。陶疑不信。曰。此幹良材。乃不任舞耶。蔣索槍。握其梢。力擺動。幹不禁。砉然斷。笑曰。何如。某藏數槍。似不劣。陶慚。必欲一視。其槍乞隨。蔣返署。索視槍。實勝已。平昔用者。蔣又請曰。此槍應堪用。俾得一覘。君伎。陶唯竭力飛舞。驅撥空中。氣呼呼。有聲。蔣睨視久。謂曰。止。止。君用槍。乃不任刺人。陶大駭。曰。薄伎。至不足道。然天下乃有槍用之。不任刺人者乎。蔣拍其胸。曰。不予信。君試刺我。陶怒。斥曰。君胡予戲。死君且論。抵蔣。又哂激之。曰。君殊自多。予信。君伎必不任相死。陶憤。曳槍回走。十數步。遠舞。作刺勢。逕前洞。蔣胸。蔣疾解。

巾揮格之巾纏槍尖不得脫鬻後倒掖之陶失槍不覺拜伏地曰願亦有以教之
蔣呼取盂水與陶曰視予急舞聊持潑予體乃起持槍舞閃閃成白光大若徑四
五丈車輪瞥忽耀陶目至不能張視疾取盂潑之水水點紛紛反潑下若雨淋漓
滿己身無一點着蔣體者嘗有鬻拳者彊占崇安寺廢址寺邑古剎也邑人欲驅
之而無術走告蔣蔣微服往覘伎頗高恐不可彊力制歸取槍馳馬繞所占地舞
一匝威之明日其人遁矣相傳卽固始李世忠云

潛夫曰此聞之周君同愈然陶雖伎不如蔣而予殊聞陶非驚者有鄒某者亦陶
友也生平曾不肯輕以指觸人觸必內創知陶能欲有以試之一日道相遇適陶
購寸糖食謂曰與我一枚食伸掌鬻索指端微觸陶把糖手陶臂顛知有異疾騰
他手撮糖置鄒掌鄒乃攤掌僵植不動矣蓋華君廷輝又爲予言之如此

潘五先生

錢基博

同光間虞山有潘五先生者於兄弟次居五爲人媿嫗長者鄉里之人重之尊之

曰潘五先生而不名字。然工爲超距搏擊之術。閉關自理。祕不肯授人。自炫鬻也。同里有丁元生者。武師也。自知伎不如五先生。能必欲有以傾其祕焉。每於廣座。遇五先生。輒激之曰。人皆謂五先生能天下。豈有能而不欲與人見者。此必先生無所能。故示人以不可測。自掩其伎之拙耳。衆或和之。先生唯唯不與辨。元生百計不能得。先生怒。猝不能忍。起高躍丈許。自墮下拳。劈其腦於法。受者無不殆。意先生必疾避也。不意先生昂首引頸。受元生拳。無纖毫楚容。笑曰。天下惟中實者。勢重下捷。不可當。若五指不能迸力。雖握拳。指不靠掌心。故中虛不實。其着體也。浮匪沈。雖猛不足以楚予也。元生慚。伏乞受教。曰。若之何而實。先生曰。易耳。若置一缸臥室中。盛水。水性柔而面凝。猛着拳。必格不使得下。若且暮下拳。擊之。引臂務直。必使水浸沒腕。臂指及拳。靡絲毫不受水。抵力如此。治瘡久。臂力瘡勁。指一擠靠。掌心拳自實不虛矣。元生謹治如先生言。久之覺駸駸乎若與曩者異。一日。又道遇先生於市。先生謂之曰。若試拳予。先生反走數步。作勢直前。拳先生心。

先生挺立自若而元生外仆瘡所反走之路先生笑扶之起曰若今拳中實匪昔矣然欲搏人必先自固其軀若運周身之力聚拳氣不覺上浮而步下虛步虛上重下輕立必不穩自立不能穩而猛力撲敵敵勁反藉力以蹈吾虛其力瘡勁反仆者瘡遠此言搏術者之所以不可不審步法也若精心力果予不恤盡與子說若其識之

潛夫曰吾縣堠山有張童子者農人子也年十三戶外有井童子幼無知道井旁過必虛擬拳下擊久之拳下井水輒大聲瀕洞若上騰然井深及丈童子短臂下拳必無能着水面之理人皆異之一日有鬻拳者過見大驚曰此童拳着人體必無救索童子父謂之曰此匪家子宜與予不且爲若鄉里齒父懼許諾後不知所終此其治拳若與五先生之教丁元生者相類是亦不可不記也五先生犯而不校有謙謙君子之風庶乎所謂大勇若怯者歟

環秀菴僧

錢基博

環秀菴在無錫北關之蓉湖尖。嚮爲鄒姓家菴。有鄒君同一者。予老友也。嘗爲予言。家世居蓉湖尖。雍正三年。撫遠大將軍年羹堯旣獲罪。世宗調補浙江杭州將軍。自恐不免於大戮。緣道貨遺姬妾。抵無錫。舟次蓉湖。倚窗閒眺。有鄒翁者。其遠祖也。時徜徉河干。將軍訝與語。見其誠樸。夜遣材官密招之。裝家姬。出指翁。謂曰。此翁大好福氣。必能庇汝。翁驚不曉。所謂。乃指姬。謂翁曰。此女有孕。男也。翁子之可。僮奴之亦可。若女也。婢之童媳之。咸惟翁命。吾獲罪。聖明禍不測。弱息累翁矣。幸祕之。毋自貽禍。翁嚙嚙欲有言。將軍遽命材官扶翁還。姬隨肩輿。至攜箱十八。皆重寶也。翁恐賈禍。旁皇徹宵不能寐。旦欲謁將軍。舟揚帆。行不知何所矣。翁無如何。乃閉姬小樓。不使面人。數月。字一女。以爲子婦。曰將軍命我矣。後將軍死。翁漸出箱中珍寶。售貲營蓮家。隆隆起。感將軍恩。建環秀菴。中肖將軍形。爲眞武像。祀之。招司香火者。厥爲僧智海。是卽將軍前所遣材官。夜招翁者也。將軍材官例匪勇者。不得與。而智海實爲其曹偶。長及將軍敗散之四方。往往走江湖。爲商旅。

護行作鏢客。惟智海爲僧。不與俱。以自別。異于儕輩。而儕輩護行貨。貨不殊。水陸舟若車。輒插幟。以旌旣知智海爲僧。是菴載舟出。其地無敢不下幟。以眎敬者。一日日將夕。有鏢者舟過此。其人非智海徒。不知下幟。智海登菴小樓見之。取銅錢一。擲舟中。燈中之熄。其火鏢者大驚。止舟登岸。謝智海笑曰。老僧與子戲耳。鏢者則言曰。師戲小子心膽墮矣。智海慰遣之去。智海旣應翁招居環秀菴。鄒氏子姓多請受業爲弟子者。初鄒氏子姓居蓉湖尖者。世業售窰器。百廛鱗次。望衡接宇。皆窰器店也。故土稱其地曰缸尖。濱運河。每歲運漕艘出。其地者以千計。爭購窰器。販他方。歲贏利不下萬金。鄒氏業此致富者。不可以計算。惟漕卒性蠻橫。往往有意滋事。鄒氏子姓得智海傳者。旣多。輒亦有以制之。嘗有漕卒登岸購貨。雙手擎五石缸。置計櫃。缸巨重。數伯斤。微得五六壯夫者。不得舉。而卒取攜如按孟。然詢夥曰。此缸值幾何。夥應曰。幾何。卒怒曰。此缸有疵。乃價昂。如許。予不欲購矣。憤捨缸。計櫃去。聲隆隆。然壓櫃幾碎。內一人出。擎缸如卒。評曰。客來客來。疵在何所。

客眎予卒猝無以應。其人乃曰：客不能言疵所在，又惡值昂。予亦不售。客擊缸躍櫃出，仍置原處。卒懼不敢肆事，多類此。其人率智海弟子也。

潛夫曰：智海弟子楚二最著。頃有傳其爲人療喉創事者，予亦知之。惟予又聞楚二家無錫北鄉之前洲，嘗偕友人遊城中，適邑廟演劇，其友欲往觀，恐衆擁擠，又欲止。二曰：無害，吾翼子往，至則推其友在前，張兩臂居後，爲衛觀者，雜進擠。二屹不動，終劇人散，友視二足踐所履，磚陷入地，深沒脛矣。二叢髯沒頤，故人亦謂之楚二鬚子。嘗學伎于智海，而傳弟子顧二嫵嫵，再傳而爲鄒翁孫蕙塘、蕙塘或謂卽年將軍女出云。

王遂

錢基博

山東王遂者，不知何府人。客京師，傭爲人僕，力能擎大柵欄，關帝廟前石獅躍短垣，高丈許，亦壯有力人也。土人相傳石獅重五六百斤，無不怖伏。遂之神勇，云自卽少爲盜，燕趙繫鈴於矢，去其鏃，發矢躍馬郊外，同行道者車載貲，過嚮空發作。

鏘鳴聲。意止車。毋行也。爲之響箭。道行者遇之。字其人曰響馬。無敢違不止車下。傾囊獻其貲者。後以事與同輩齟。棄去不爲。投京師萬盛鏢局。願執業。鏢局者。蓋商旅備武勇。護行南北之牙肆也。每受人雇護財貨。謂之走鏢。以其人輒挾鐵鏢爲武器也。在京師業此爲主人者。無慮十數。而萬盛尤有聲聞於燕趙間。故遂有意投之。其主人年六十餘矣。見遂請藝。遂曰。若何而可。引視後院有鐵塊一縱橫廣三尺。高如之。主人曰。拳之。拳之。鐵下陷土者寸許。頗自矜負。主人乃領首曰。可。意似不甚隆異也。遂心慍。還請主人試之。鐵沒地。視遂三倍之。又有奇。遂睹不覺氣折。主人謂之曰。若新來。無任大事。茲有某宦者裝貲八千金歸濟南。若其不嫌小試乎。遂諾。主人乃酌酒餞別。與小旗曰。以此樹車上行。無虞也。遂行。自思已亦曾爲響馬。響馬不必皆材武。大率虛聲相響。駭客傾其貲耳。今當覘之以盡其技也。懷小旗不樹。危坐車轅。中途響馬十餘騎。颯颯自後來。發響箭如例。遂佯爲不知。車依舊行。覘所爲響馬。莫測不敢逼。抽矢傳鏃。毅弓射遂。遂聞矢來。鏘鳴有。

聲以爲仍響箭也。無鏃不之備。猝爲所中。創肩痛。莫任急探。懷出小旗。揚之響馬。見下騎曰。誤矣。何不樹幟也。乃爲傳藥。裹創。護送至濟南。歸見主人。主人慰問。創瘥未乃大慚。不敢出聲。主人則語之曰。吾輩走鏢無債事。豈誠勇絕人人哉。所恃者。平昔與若輩有交誼耳。惟遇頑梗。無可與語。交者不可不一儆之。以震其餘。是則匪材且武者。莫任也。然若輩之材且武者。誠亦何限。何可徒恃其勇若休矣。却去不復用。蓋聞之張家口。革販蕭子春云。

潛夫曰。予又聞之里人曹學翰曰。貫城李者。亦京師鏢局之一著聲舊矣。蓋主人相傳。卽小說施公案所云神彈李五後也。有某甲者。居與鄰。其人嚮業爲翦竊賊。身懷二錢。礪治其半邊極鋒銳。駢夾兩指間。垂手行鬧市。鋒交割人衣囊。盜銀物。無能覺者。心豔走鏢者之豐於獲也。一日。走請於主人曰。君家客間無阻。徒恃君家幟耳。誰則不能者。我試爲之可乎。主人稔其素行。笑擲揄之。不許。甲則固固請。適有人雇護資往南方者。主人以客盡備出。無以應。甲又在旁。騁欲往。主人不

得已許之。臨行，囑曰：君雖粹任事，不稔盜情。然盜睹吾家幟，必無害性。或以新相識邀君過飲者，宜急却勿往。語半，且爲優言曰：誠知君雅善探人囊，然慎毋探盜窟也。甲亦不禁，自哂行中道遇盜，賭貫城李幟。疑甲匪，素所識李氏客，乃邀甲過家宿。甲坦然承之，絕無惶惑意。盜固疑其有恃矣。已抵盜家，盛供張尊。甲首坐羣盜左右，環坐侍甲飲酒。酣盜引一觴進曰：君李氏客，必有異能。甲固遜。一盜又曰：君今無宜撝謙。微得式瞻君威者，吾儕不與君行矣。語漸侵迫。甲乃謝曰：幸有薄技，應得拱諸君一噓。語畢，起便旋繞座右，下歸自座。左上酒數行，盜又請曰：君妙技可得瞻乎？甲則哂曰：盍各視君辮。清制辮髮垂背也。羣盜睹狀，知有異，亟反手引辮，不獲。大驚相索視，髮種種盡爲人截取，不知何往矣。甲乃徐出之，袖纍纍。陳案上，蓋甲素所習翦竊技也。羣盜不測所爲，羅拜曰：君誠神人也。自是甲名大著。爲人護財貨，所至無敢犯者。夫有王遂之勇力，幾不免於僨事。甲僅用其素所習翦竊之技，乃招神人之譽天下。事信有幸不幸哉。豈誠不龜手之藥，或不免於

泝。或。以。封。侯。在。善。用。與。不。善。用。之。有。殊。耶。故。附。記。之。俾。後。之。讀。者。有。所。觀。覽。焉。

拳術紀聞

杜階平

清嘉慶末葉。有爛頭何者。佚其名。本崖州宦裔何氏子。幼從少林寺僧醉癡學技擊。醉癡高足八人。位次序藝不序齒。何其大弟子也。學成浪遊南朔。居恆恪守師訓。善自弢晦。惟以賣藥餬其口。晚年返粵。流寓於香山縣之前山鄉。

其居停金翁。慈善厚重。鄰里稱長者。有子名公濟。未弱冠。有聲庠序間。顧公濟雖文人。而有尙武志。與何親炙久。窺知其懷絕技。遂事以師禮。謝去舉業。請受業焉。何感金翁遇之厚。且喜公濟恂恂儒雅。逆知非肯挾技凌人者。許之。盡以其所學授之。毋隱。公濟技雖精。從不向人前自炫。人鮮知之者。何居公濟家五年。迺去而。就韋冬暄之聘。

翠微韋冬暄。武孝廉也。性豪邁。富膂力。其宅後圃。有石鼓一。重五百斤。韋奮足踢

之如轉丸。初韋延師習技。師到門必先與角力。侍者以楹載二紙函。一鉅而色紅。一小而色白。鉅者裹百金。小者裹五金。勝者留。進百金作贄。不勝者去。給五金作川資以辱之。先有一二拳師受創去。自是無敢應聘者。殆聞何名。獨卑詞厚禮。延爲師。何婉謝之。蓋恐其秉性剛烈。異時或藉已術以賈禍也。嗣韋求之切。且指天自誓。何審其意誠。始勉就焉。積三年。韋以天生勇力。更得名師祕授拳法。殊自矜翹。偶醉後語何曰。若以拳勇較雌雄。恐除吾師外。無論誰人。不得不讓某出一頭地也。何哂之曰。何地無才。汝烏得目無餘子。他人姑勿論。設與前山金公濟遇。恐汝尙非其敵也。韋聞之。面發頰。嘿而退。何揣其必尋金較技。則夜走前山告公濟曰。明日韋必來。子技固優於彼。然當念同門誼。姑饒之。彼善使單頭長棍。其足以制人死命者。惟騰蛇鑽穴一法。子可執雙頭棍。用俊鶴摩空法破之。蔑不勝矣。聊辱之以折其驕氣。勿遽傷要害也。金唯唯受教。預爲戒備。翌午。韋果詣前山訪金。金使人要於路。延入祖祠招待室。蓋金族人講武地也。旣晤。略致相慕語。韋卽乘

問請曰。聞君久從何師游。外功高妙。僕不才。亦竊以此自負。未審誰爲健者。亟欲與君一撲爲戲。君肯賜教否。金夷然曰。是奚不可。惟相角時。偶有干犯。請勿以孟浪見罪。斯可矣。導之入藏械室。指示韋曰。諸械任君擇用。僕固無不可者。韋見金狀態文弱。已心輕之。繼聽金言含藐視意。遂憤然取壁上所懸單頭長棍。瞪視金曰。僕用此。或可不辱尊命。語畢。持棍趨祠內曠場。蓄勢以待。金亦攜雙頭短棍隨其後。少林棍法。以老到稱著。二人同出一師。初交手。工力悉敵。皆無懈可擊。戰酣。惟見雙棍起。落出沒。勢如疾風暴雨。嗚嗚有聲。觀者方却立目眩。瞥見韋陡蹲於地。突舉其棍。猛向金臍中直搗。金急聳身一躍。越過韋後。以棍尾從高猝下。點其拇指。復從臀後。一撥。韋棍墜。被擊。顛去尋丈。蹶起欲遁。而正門已嚴扃矣。迺由旁門逃出。韋旣垂翼歸。恥其技之不若人。並懟其師之靳其術而不傳於己也。微以語侵何。何曉之曰。凡學吾術者。當戒惰。尤當戒驕。惰之弊。業不能精而止耳。驕之弊。將並其所固有者而失之。且足以招尤。子心粗氣浮。所得未及十之五。卽目空

一切今略受挫辱。亦云幸矣。人患不自知其短。苟能平乃氣。虛乃心。循序而習之。俟火候到時。某當不惜以密法相授。絕詣非能躡等求也。子何怨我爲。韋聞而愧悔。痛自刻勵。何亦不吝誘掖。逾年。韋技已精。何遂辭歸。咸豐間。韋從軍。積功至副將。會廣西藤縣大盜趙金龍、趙金鳳、兄妹亂作。負固排雲嶺。數敗官兵。粵大府檄韋會勦。韋威勇素爲賊所讐。故先聲奪人。連陣皆捷。已合圍矣。韋急功。潛於風雨夜。獨騎登山後。窺賊壘。誤墮阱。賊伏起。羣以長矛攢刺之。遂殉焉。

先是韋有愛妾蔣燕燕。江西繩伎女也。雖亂頭麤服。而貌頗娟好。更挾驚人技。牆高丈有五。能一躍而過。善用飛鎚。操縱如意。能於五十步內碎人顛。隨父鬻技。至香山。韋見而悅之。以重金賂其異母。納爲妾。年餘。產一男。及韋西征。蔣委其子於嫡。易釵而弁。尋至營。韋多資其臂助。方韋之冒險探敵也。蔣屢阻之。又請隨衛。皆不聽。竟及於難。蔣誓雪夫仇。卒用誘敵計。手刃趙金龍。賊援至。力竭含笑自刎死。可謂奇女子矣。時洪楊勢盛。廣西已淪爲賊藪。殆年久事平。無有爲之表彰其義。

烈者。并章冬暄。一生事跡。亦僅得諸里閭父老之口述。久且湮沒無聞。可傷已。韋子超。蔣氏所出。受遺傳性。亦英猛過人。長而從學於唐家六。善點脈法。惜蚤死。無可紀者。

唐家六。香山唐家鄉人。亦爛頭何入室弟子。疑卽時人所撰技擊餘聞所謂石翁之子。特傳聞異詞耳。其技與金公濟埒。章冬暄不如也。當粵事起。崖州亦伏莽遍地。爛頭何蟄居鄉曲。羣盜慕其勇。欲奉之爲渠。何不勝其黷。因避地。復至香山。其時章冬暄已戰沒。仍主金家。金之戚唐翁者。以農業致富。生六子。家六齒最穉。性亦最馴。翁患世變亟。思守衛計。則欲六子皆能武。適何重臨。翁乃懇金爲之先容。聘以殊禮。何始入唐第。諸子環跪請業。何止之曰。毋然。吾技不能濫傳。必試可乃已。命檢破瓷器數事來。盡碎之。成小片。皆鋒稜犀利。布諸地。示諸子曰。能裸身橫地上。旋轉而過者。乃可教。其兄五人。皆爭先旋過。遍體鱗傷。忍痛以示勇。家六獨不肯從。兄輩皆嘲其怯。家六正色曰。學技所以衛身耳。今學之成否。未可知。而先

殘父母之遺體。吾不忍爲也。不顧而去。何乃出藥以治傷者。越宿。已脫痂。愈。居有頃。何熟察家六。謹厚。乃謂翁曰。諸郎惟家六行安而節和。他日當不以好勇鬪狠貽翁憂。吾當爲翁玉成之。於是家六從何學。歷五年。而其技幾與師相伯仲。何亦謂己所學者。家六已盡得之。顧家六不自信。時時強何較技。以驗其言。何都未之應。一日。家六持利刃以脅何。逼至屋隅。刃從頂下。危急間。何深慮一世威名。垂老竟爲孺子所敗。忍無可忍。遂出其神技。所謂虎尾脚者。一轉身。反脚踢之。中腎囊。踣於地。死矣。適唐翁來邀飲。何告以故。自請罪。翁曰。此渠自尋死。非君罪也。吾有六子。今僅喪其一。庸何傷。若惠而教吾五子。吾且感君。何聞言。深服翁量之宏。乃遍撫家六屍。喜謂翁曰。生氣幸猶未絕。似可救也。急檢箱中藥。約一刀圭。調酒灌之。少頃而甦。咯瘀血盈盂。又良久。蹶然起。向何拜謝曰。非冒死相逼。恐終不肯示不傳之祕。且預知師之能生我也。幸恕無狀。何太息曰。吾技止此耳。子他日傳吾術。當其難其慎。切勿妄受非人。以重吾罪也。家六敬諾之。時何年已七十矣。老無

子未幾卒。唐金合殯之。爲立墓。附郭龜山之陽。環植松楸。以誌永慕云。

同時有盧二伯者。操客籍語。年近古稀。鬚眉蒼古。故人皆以二伯呼之。肩藥囊。背負葫蘆。貯酒以備醉。恆往來於前山翠微間。售藥自給。其藥膏每帖取值十錢。滿千錢則止不售。貧者贈之。弗少吝。得其藥者。以治刀棒傷。及風痺等症。罔不瘳。人因爭購之。二伯杖頭常滿。莫漫愁沽也。日者有近村莽少年。亦就其旁。開場賣藥。半日無過問者。少年嫉盧之利市也。借端詈盧。盧不答。少年欺其老。臨去。行近盧前。佯爲足誤。踢翻藥囊。錢與藥滿散於地。盧起。微拍少年肩曰。君何盛氣。乃爾。吾明日將避而他去。讓君獨營其業可乎。言竟微笑。俯而自拾其錢。少年掉臂徑去。行不三里許。卽覺心悸氣結。筋骨拘掣。倒道側。呼痛不已。適唐家六過而見之。熟視久。大驚曰。此少林點脈法也。不速治。殆矣。汝曾開罪於人否。有知其頃辱盧事者。爲告於唐。並代求救。唐搖手曰。解鈴須用繫鈴人。余無能爲力也。速往哀之。或可免。於是。一二好事者。苦邀唐同往尋盧。唐亦欲一識其人。許之。至則盧荷囊行。

矣。追及。唐與衆代爲謝過。盧重違衆意。勉從其請。至少年前。以隻手倒提其兩足。輕擊其背者三。乃擲之地。曰。愈矣。少年長吁一聲。已能起坐。盧數之曰。貧老人藉賣藥以延殘喘。與世無爭。有何宿怨。而必對衆凌辱我。此等害羣之馬。本宜除卻。今日若不念唐君情面。雖以百金餽我。亦不屑援手也。旋顧謂唐曰。吾友爛頭。何非君師耶。然則點脈回生法。君亦優爲之。何必重煩老夫手續也。一笑而去。唐堅邀過從。不聽。自是前山翠微間。不復見盧二伯行跡矣。

香山當咸同之際。羣盜殺掠無虛日。獨不敢犯前山翠微唐家三鄉者。徒以公濟等諸人在耳。職是鄉人。皆敬禮拳師。農隙。畢集族祠。以修武事。卽童子亦效尤焉。前村鄭材。甫十一齡。每日自塾歸。輒從鄉人學拳術。性敏而耐勞。故未久卽略諳門徑。歲暮。鄉塾年假。隨父出省會。寓至戚家。偶出嬉游。遇光孝寺前有某甲夫妻二人。方鳴鑼賣武。鄭擠身人叢中觀之。其人固豫產。北方武士。慣用長刀大戟。其技倆與南派迥殊。鄭見異思遷。已陰好之。復見其拾石卵二分。置於掌而緊握之。

努力揮拳。演畢。而掌中石卵。盡成細屑。益慕之。徘徊不忍去。俟觀者盡散。乃尾甲至寓。求收爲弟子。甲卻之曰。吾曹江湖行走。乞露宿風餐。汝膏兒。詎堪此苦。速去休。毋溷乃公也。鄭長跪不起。且言但求學成。任如何艱苦。師能受者。我亦能之。甲妻愛其慧。亦從旁慫恿。甲遂攜之去。鄭父自失子後。懸賞遍覓。久不獲。已淡然置之。時序如流。忽忽已歷二十寒暑。鄭父母相繼長逝。其弟已兒女成行矣。一日。弟婦方乳兒。突有偉丈夫。貿然入室。驚訶之。其人自言此爲吾宅。吾卽鄭材也。婦大疑。立命長子往田間。喚其夫歸。俄而其夫偕二三長老來。其人見衆至。遂詳舉父母名號。離鄉年月。戚屬里居。歷歷不爽。雖鄉音頓改。而容止間依稀尙肖其父。衆乃確信爲材。久別生逢。互相勞慰。爭詰別後况狀。鄭爲言歲歲隨師賣技。以客爲家。雖一事無成。然中華勝地。歐美名區。都留得雪鴻爪迹。爲差強人意耳。叩其所學。則謝無有。衆亦不之異。顧鄭客囊頗豐。甫歸。卽出貲營家室。又設布肆於邑城。生涯獨盛。未幾稱富商矣。鄭貌似良懦。有侮之者。輒斂手避去。而不知其爲北派。

武術中能手也。其所居村有大溪一。廣丈餘。環繞村後。渡而過。可省二里。程。偶於春夜。偕二友買醉歸。二友卽嘗侮鄭者。時宵深。舟子已睡。喚渡無應者。溪水方漲。又不能徒涉。正趨起岸側。鄭已被酒。笑謂二友曰。吾等卽飛渡此溪。亦殊不費力。二友笑其醉後狂言。不意鄭猝舒兩臂。分挾二人於脅。一踴直超彼岸。二人震怖欲絕。驚定。乃拜服曰。不謂公具此絕大本領。吾輩向辱公。而公不吾較。直大勇若怯也。鄭曰。此何足奇。吾師固萬人敵。徒以世鮮眞知己。故甘埋沒風塵中耳。吾術雖不逮師遠甚。然靈變矯捷。在北方早竊能名。未歸之前二年。以保鏢屢獲厚賞。綠林銜我者衆。自變業爲商。誓不敢暴已長。以召禍。今醉後技癢。致露本色。殊用自危。幸二君爲我終祕之。二人陽諾。而陰洩於人。人乃稍稍知之。鄭年五十餘。家益富。已抱孫矣。其子業儒。母姑息甚。流於淫逸。長好漁色。家婢無完璧者。鄭屢嚴責之。不悛。因狎妓。與妻占脫輓。常宿外婦家。嘗借事入族叔室。挑其寡女。叔怒。擬投訴於族長。遂之出族。鄭急以鉅金賂之。其事始息。鄭憤極。乃以言餽其媳曰。若

夫無行。不破吾家不止。吾意屢欲死之。所未決者。特不忍吾媳少而孀耳。其媳曰。媳雖未孀。已與孀等。倘得承翁覆庇。令吾母子無凍餒憂。卽無夫焉可也。翁頷之。而出。恰值其子自外歸。鄭反身躡其後。翹中指。驟向其腰部點之。其子覺痛徹心髓。奔避之。旋亦無苦。然自此痿不能人。漸改行爲良士矣。後鄭以高壽終。其技卒未傳人云。

壬子。余客青島。寓山東街之某店。店側有街。街首有小樓一。燕人王叟稅居焉。叟年約七十許。以賣炒落花生爲業。雙眸炯炯。飲啖倍常人。舉動殊豐饒。是歲春寒逼人。重裘不暖。沿途積雪沒脛。叟甫暇。每持帚掃路上雪。蹠蹠朔風中。畧無瑟縮畏寒色。人皆羨其老健。疑得引年訣焉。該埠處卽墨東隅。其俗例於元宵作高蹠之戲。飾女裝。續木足。備諸醜態。羣趨大賈富室門。唱豔曲。婆娑而舞。主者悅。則厚犒之。爲是戲者。以薙髮匠爲多。而椎埋惡少。亦間有混跡其中者。其目的固別有在也。某日。余處樓中。方與友語。乍聞室外人聲喧慄。急推窗俯瞰。則王叟方挈高

躑者之木足。手各一人。高舉作旋風舞。高躑者駭幾暈去。哀號告饒。叟始釋手。觀者譁然大笑。詢其由。則此曹向叟購落花生。食既。悍不償值。叟據理爭。惡少更辱罵之。而唾其首。故叟以是報焉。有知叟來歷者。言叟本朔方健兒。壯時曾以一掌按牛背。牛伏地不能起。固管子所謂拳勇股肱之力。秀出於衆者。中年爲仇家所逼。陷爲馬賊。既老。乃自拔歸業。小販。雖筋力少衰。然三五無賴。猶未足供其搏擊也。余聞客言。亟借其素識者。強邀叟至寓。酌以酒而飲之。酬酢既洽。請觀其技。叟笑而起。命燃洋蠟於桌。乃作勢向之揮拳。覺有陰風從拳出。拳距洋蠟一丈。火光搖搖欲滅也。是殆技擊家所稱風拳者非歟。歐戰起。青島爲日攻佔。僑民奔避一空。未審王叟此時尙健存否耳。

友人劉鶴儕爲余言。贛之尋鄔。有孫琚者。其父固獼猴王也。前清時以優行生設帳縣城。循循善誘。從學日衆。硯田歲穫恆豐。孫更善居積。家以小康。尋鄔本貧瘠地。鄉人眼孔小。孫雖少有。咸以郭家金穴擬之。鄰邑劇盜飛天鼠者。涎其富。糾黨

夜劫之。索藏金。祕不與。以火遍灼其體。卒罄所有去。告縣通緝。役皆懼其勇。莫敢捕。孫傷重。家貲蕩然。竟以憂憤死。時琚年十三歲。母亦儒家女。通文翰。貧不自存。乃挈琚就食外氏家。琚氣體充實。膂力如成人。生有至性。每念及其父慘斃盜手。則撫膺大慟。欲得飛天鼠而甘心。母戒之曰。語云。有謀人之志。而使人知之者。危道也。彼賊搏擊騰蹕。捷如鷲鷂。卽勇士亦望而畏之。汝童牙未脫。力甫勝雛。而遽欲攫彼兇鋒。恐父讎不得復。祇自速其斃耳。汝年尙穉。俟有制人之能力。然後乘間以圖之。未晚也。徒悻悻然見於詞色。奚爲者。琚聞母誠。勉抑悲懷。而其志愈勵。偶聞人言荆軻聶政事。酷慕古刺客之爲人。時冀吾身親見之。又惴惴然恐其人之難物色。卽遇之。而或莫肯余助也。轉計求人不如求己。飛天鼠亦人耳。技勝之卽足以殲之。何懼焉。於是矢志習拳術。顧家窶。未能備贄投師。惟時撿巨石以練臂力。聞十里外小村中。有老農能武藝。喜其不索學費。則每夜不辭跋涉。就學焉。日則在外氏廢圃中。依其法演習。晴雨無或間。某晨正習技。見一道士駐足籬外。

睨之而笑。琚訝之。問鍊師亦諳此否。道士爲指其謬曰。子之拳法。花拳耳。僅耀觀而不適於用。一遇勁敵。必無倖理。吾過此間屢矣。子屆學齡。乃不讀書。而日作此無益之舉。何耶。琚擬瀝情相告。陡憶母訓。則欲吐而仍茹。道士乃去。嗣訪諸人。知道士向爲某觀主持。有善行。又意方外人多奇才異能。擅拳術者更夥。余乃交臂失之。殊自悔。他日遇諸途。亟牽道士衣。偕行至僻處。含淚具道其素志。道士肅然起敬曰。然則孝子也。吾技雖劣。尙足爲子師。吾當成子之志。且假子手以除民害也。子可歸告母。某月日。吾期子於某山之白鶴觀。琚諾之。爲言於母。母不令去。琚乃盜外祖數金。乘夜而遁。去五年始返。卽奉母移居大庾。時飛天鼠已受撫。授守備職。擁其頻年盜掠之巨貲。畜姬妾。治田宅。聲勢赫濯。富且貴矣。然中實叵測。猶復通匪分肥。以積怨多。出入嚴於自衛。會某太守壽辰。飛天鼠衣冠乘輿往賀。突有一少年。飛步而來。猛手向輿橫推。輿欹覆。輿役盡仆。飛天鼠出不意。亦跌出輿外。衛卒蜂湧欲擒人。少年振臂一揮。當者辟易。飛天鼠翻身起。怒撲之。少年倏忽

騰躍。手如雨點。剎那間。飛天鼠胸已中拳。骨折陷。噴血倒地。鬨聲中。而其人已杳矣。飛天鼠昇歸。卽氣絕。當道陰幸。隱患已除。姑循例緝兇而已。識者謂其人卽孫瑠云。

東莞陳恩。字惠溥。能文博學。兀傲不羈。嘗過舊書攤。見有手鈔易筋經一冊。雖蠹蝕塵汚。而字跡尙略約可辨。略展視。與坊間通行本。微有異同。乃以賤值購歸。把玩熟記。戲仿其式演之。陳體素羸弱。自習此法兩月後。卽覺氣力漸增。步履輕快。知其法確有實效。乃立課程以習之。三年如一日。試以重物驗其力。則天妃廟前鐵鼎。重六百餘斤。扛之起而色不變。鄉人伐樹遺其根。高出地面僅五寸。可踢而起之。曩時文弱書生。一變而爲武夫。赳赳矣。陳以古來文人。罕諳武事。我乃兼擅其長。恆於儕輩中。自鳴得意。其戚某公。新授曹州府知府。苦盜患。具書幣招之。欲得相助爲理也。陳旣居幕下。刑名錢穀。非其職。人忙我暇。時作汗漫遊。一日行經某地。有一小肆。肆內列胡桃十餘簍。一老翁方理賬簿。門首坐一少女。紅裳綠衣。

姿首頗不惡。低頭作鍼滌。陳入購胡桃。遂篋試取其一。以指撚破之。都言不佳。翁笑而起。另取新者一篋至。兩掌掬胡桃數十枚。略搓之。殼肉盡碎。捧示陳曰。似此可當客意否。陳悚然。爲購數斤。攜而出。少女伸其一足。似故意阻陳行者。陳睹鳳履簇新。纖不盈把。心微動。俯而握之。手未到。而肋下已爲女履尖仰踢矣。陳驚痛失聲。急捫傷處。墳起如桃。翁叱少女曰。此府尊上客。小妮子何鹵莽乃爾。隨取丸藥一和酒令服。曰。飲之可無慮。否則五日死矣。小女孫無知冒犯。會當重懲之。陳愧謝出。自是睥睨之態。爲之少戢。與陳同事者。有張姓一人。亦府尊新羅致者。其人狀貌魁梧。而甚和易。陳與之頗相得。每出入。陳偕張。則署役皆站班以示敬。陳獨出則否。陳怪而詢其故。皆曰。吾等敬彼爲英雄耳。問何謂英雄。則以張先生輕財任俠。武技無雙對。陳聞言。未遽信。且欲勝張以服衆。他日。請角力於張。張不可。屢請。張曰。某欲藏拙。而君終不許。是以某爲可教也。堅却之。則不情。聊交手以示意可矣。二人卽於室中相搏。陳步步逼緊。張則著著退讓。正相持間。陳陡騰一足。

向張首踢去。張接以手提而擲之榻上。急謝曰：大好飛骹。力量逾七百斤矣。某敢不拜服。陳經此一挫。始知名下無虛。而已力之不足恃也。遂與張深相結納。虛心請益焉。時府屬盜案日必數起。偵知主動力。實出某寺惡僧。僧具神勇。筋肉堅如鑄鐵。人莫能近。黨徒數百。僧皆爲之發縱指示。掠得咸以半獻僧。某縣越獄犯數十名。亦恃其寺爲逃遁藪。太守憂甚。知陳張二人能以掃穴擒渠之任委之。陳商諸張。欲偕張往掩執。張曰：談何容易。汝我均非僧敵。俟吾二友至。始足了之。子姑待。徒膏其刃無益也。無何。張二友踐約來。一老一少。少者短小精悍。老者卽賣胡桃翁也。翁乃爲畫策。乘其不備。四人率隊以夜往。至則少者先聳身踰垣入。手刃巡夜賊。縱火於積薪。啟關納衆。衆甫入。而僧已覺。裸體從寢室跳出。拔刃來尋人。翁與張併力鬪之。羣盜亦驚起。陳率衆禦之。格殺頗多。俄聞有大呼火起者。則烈焰熊熊。光徹佛殿。僧大驚。刀法漸亂。少者乘其懈。掬沙迎僧面撒之。睫略交。而翁之鐵杖已當頭猛擊。僧腦裂死。餘賊驚走。寺亦燬。各屬盜風頓息。閭閻賴之而安。

而四人皆功成不受賞也。後陳以省母回粵。見者覺其矜平躁釋。不復作傲倖狀。向人微叩之。陳乃盡舉親歷者以告。且曰：燕趙多奇人。吾獲見者僅張等。已覺小巫氣盡。向者夜郎自大。祇取辱耳。

游俠別傳

西神

謀生之道。愈艱。取財之術。愈巧。鷄鳴狗吠。探囊肘篋。之徒。亦旁午雜出。而不可以紀極。或穿窬而賊。或衣冠而士。或擁八鼎而高官。而顯宦焉。等盜也。盜於野者。悍盜於市者。僞盜於朝者。鄙而皆有法律。以爲之障。至若談笑以取之。從容以玩之。如羿之矢。如僚之丸。中其的者。猶且功歌而德誦曰：某也賢。某也厚。我某也。有古之俠士風。則盜之技。愈工。而法律之爲障。亦有時而寡效。昔太史公橫遭吏議。家貧賄賂不足。以自贖。交游莫救。左右親近。不爲一言。因有慨於古人。急難之風。作游俠列傳。以寄意。若魯之朱若河內之郭。雖椎埋屠狗人。乎讀其傳者。自覺虎虎有生氣。不謂數千年後。更爲若曹闢。一取財之捷徑。將游俠之進步。歟。抑

社會之退化也。辭而識之，以補龍門之闕。

桂林象郡。以山水雄天下。乃其人才亦往往多特立獨行之士。以余所聞。道咸間有貞孝先生者。以文行著一鄉。君子之澤。不五世而斬。至咸同時。其孫某以名孝廉遊幕於湘鄉曾氏。曾氏喜講理學。孝廉則益規行矩步。以媚之一日。會食軍中。席有蒸豚一事。異味也。孝廉獨不舉箸。問之曰。先母之喪。未闋。不敢遂肉食也。其刻意矯飾。故矜細節多類此。湘鄉既雅重孝廉。一時同幕之人。如合肥李氏等。亦均與締交。久之。以議叙得攝護輔某邑令。邑故赤緊。尤多竊案。孝廉蒞任三日。有獲竊賊而控案。請究治者。孝廉坐堂皇。集兩造而問曰。若失物若干乎。若竊某家物若干乎。兩造則各唯唯無異辭。孝廉乃大怒。命伍伯撈賊無算。繼復戚然語被竊者曰。彼亦人也。以貧故而作賊。今已罰當其罪矣。雖然。吾令是邦有父母。斯民之責。今甫視事。而子即以被竊聞。是吾德薄之所致。子盍爲我盡教養之責乎。被竊者不知所謂。則更唯唯不敢置異。同孝廉曰。今與子約。賊隨子歸。衣於子。食於

子。吾。將。間。日。遣。人。省。視。荷。豐。衣。足。食。薰。汝。德。而。善。良。者。吾。固。不。吝。重。賞。不。吝。罰。亦。無。赦。案。既。結。邑。人。士。賊。走。相。告。吾。儕。小。民。苟。遭。賊。患。幸。毋。邑。侯。聞。則。侯。庇。賊。賊。乃。愈。張。於。是。孝。廉。轉。以。道。不。拾。遺。聞。於。上。能。聲。大。著。瓜。期。既。屆。蟬。聯。得。真。除。邑。人。雖。切。齒。無。如。何。也。紅。羊。之。劫。既。平。孝。廉。上。書。當。道。畧。謂。亂。世。尙。武。治。世。尙。文。今。者。大。亂。初。弭。不。可。不。急。謀。休。養。生。息。之。計。媿。媿。數。萬。言。爲。綱。四。爲。目。十。二。類。多。親。切。而。可。行。者。當。道。大。歎。賞。手。書。褒。美。孝。廉。乃。更。以。循。良。自。命。嘗。遍。檄。四。鄉。三。老。五。更。與。城。中。紳。耆。偕。日。日。會。於。署。中。飲。以。盛。宴。極。飲。盡。歡。臨。別。人。授。聖。諭。廣。訓。及。孝。廉。自。著。之。闈。室。燈。佐。治。芻。言。若。干。冊。鄭。重。語。曰。鄙。人。無。狀。承。乏。斯。邦。媿。無。以。作。表。率。此。書。爲。立。身。入。德。之。基。子。歸。而。分。贈。朋。好。庶。可。代。鄙。人。現。身。說。法。乎。座。客。則。皆。稱。謝。而。退。謹。厚。者。或。遂。嘖。嘖。誦。邑。侯。賢。明。不。去。口。翌。日。而。里。正。四。出。按。戶。收。書。資。計。某。書。若。干。某。書。若。干。錙。銖。不。少。讓。人。始。大。恚。恨。謂。受。孝。廉。愚。計。孝。廉。治。某。邑。五。年。政。聲。載。道。口。碑。翕。然。強。半。皆。此。類。也。時。瘡。痍。甫。復。邑。人。士。不。欲。多。所。騷。動。故。得。以。

相安無事。然上峯已微有所聞。會合肥相國督直。召之。署而語之。曰。子治某邑。五年。功高勞苦甚矣。郡有某書院。主講一席。月入亦可百餘金。子姑舍官。而爲人師。以息肩乎。孝廉知旨。奉命惟謹。掌教院中。一如治某邑之所爲。去之日。院中生徒數百人。率市冥鏹。沿途焚化。祝使君升天。成佛勿再爲人間靈。其一。二沉默者。亦市酒脯。聚飲爲樂。謂而今而後。庶莫余毒也。已合肥聞之。嘆曰。欲使守廉。乃反長貪。遺玷名教。吾之罪也。夫孝廉之行事。卓卓可傳。如此而道學之名。固遠近無弗知者。旣累處膏腴之地。植產以百萬計。而布衣蔬食。一如曩日寒素時。卒之日。家無餘資。僅家人喚僧侶十餘輩。鐘聲佛號爲資懺悔。祈冥福。突有半老徐娘。攜一五齡幼子。白衣冠。痛哭而至。謂是孝廉之外室幼子。其血胤也。家人因約畧。聞知此事。懼醜聲。四布重爲道學。先生累則留其婦。而子其子。如故。然心固竊竊非之。又以其苟合於野也。呼曰阿棄。而不名。以示厭薄之意。庸詎知深山大澤。實生龍蛇。雅鳳青。聳突過乃父。而吾書之主人翁。亦於此嶄然露其頭角矣。阿棄幼時。跳

蕩異常兒。往往集里中兒數十百人。分曹比武。而已爲之帥。角藝旣罷。則橫行閭閻。倚依將軍貴。調笑酒家胡。行事彷彿相似。里中有腹誹者。羣聚毆之。幾斃。以是人莫敢撻其鋒。稍長而折節讀書。一洗舊習。向之毀之者。至此或遂以周孝侯相譽。然阿棄性絕躁聞不平。事軒眉攘臂而起。以平反爲己任。尤豪於飲醉。則靡所不爲。時或濟人之急。千金一諾。無吝色。前清末造。學校林立。偶有以籌款事請者。阿棄必委曲應命。故尤得急公好義名。時學堂與科舉並行不悖。阿棄旣夤緣得補博士弟子員。秋風文戰。援例以重金賄房官。薦卷更倩郡中名下士入闈。捉刀榜發。哀然高列。於是遂孝廉而紳襟矣。光緒季年。捕治革黨之禁甚厲。邑有某公子者。與阿棄通譜。爲昆季行。邑中首富也。日者忽以黨人供詞株連。銀鐺入獄。生命且不可保。阿棄慨然以昭雪事請諸其家。時公子太夫人在堂。方徬徨無所爲計。阿棄曰。此何如事。而太夫人乃猶猶豫不決策耶。三哥吾兄弟行。平時兄之臨難而棄之異姓。且不出此矧太夫人與有母子骨肉之誼者耶。太夫人曰。然則奈

何阿棄曰。官場之腐敗。至今日極矣。夤緣而上。下之悉惟錢是聽。太夫人所有者。錢耳。錢與子較。子重耶。錢重耶。是在太夫人。我不敢爲越俎謀。抑苟以錢畀我。而不掣我肘者。一月之內。不令三哥還復自由者。乃非我太夫人。聆其言。媿媿動聽。則詢以所需。幾何。阿棄曰。姪籌之熟矣。提綱挈領。非從大者遠者入手。不可。今長外交者。某公吾師也。以此事往商。至少非萬金不可。餘若某甲某乙等。略以餘潤。點綴之。得金數千足矣。至姪往還所費。爲三哥故。傾囊無恤。誓不敢令太夫人一錢費。太夫人感激涕零。謂豚犬不肖。幸賴先生生死而骨肉之繼。自今請舉家聽子而行。抑長途鞍馬。露宿風餐。業重勞先生。而曰旅費必爾乎。是取在先生。雖高義薄雲。在未亡人。不亦媿將入地乎。阿棄謙遜久之。太夫人卒畀以二萬金之重幣。以行。

骨肉之愛。根於天性。以某公子之慘。遭意外。而太夫人殊不爲意。必待阿棄之痛切陳詞。始翻然憬悟者。此中蓋有故焉。某公子以金張世胄。早失乾蔭。平時擇交。

不嚴。一。二。小。人。利。其。懦。而。可。用。也。則。導。之。爲。狹。邪。遊。晨。過。趙。李。夜。走。胭脂。終。日。徵。逐。以。爲。常。名。妓。葉。小。紅。者。公。子。暱。之。阿。棄。亦。暱。之。然。阿。棄。夙。爲。家。庭。所。不。齒。又。齒。最。幼。稚。析。爨。時。長。兄。輩。以。名。譽。攸。關。勉。畀。萬。金。物。產。稱。是。不。足。家。資。十。分。之。一。也。阿。棄。之。母。鬱。鬱。而。歿。彌。留。時。猶。呼。阿。棄。至。榻。前。以。善。自。樹。立。勿。仰。阿。兄。鼻。息。爲。勛。阿。棄。揮。霍。數。年。囊。金。傾。矣。則。以。世。家。子。弟。之。頭。銜。向。人。乞。貸。人。知。其。兄。之。富。有。也。不。虞。其。不。償。亦。時。時。有。以。浸。潤。之。阿。棄。因。得。以。錦。車。怒。馬。保。守。其。豪。華。之。常。態。顧。與。公。子。較。一。虛。一。盈。成。敗。立。見。勾。欄。中。以。金。錢。爲。第。二。生。命。玉。尺。量。才。尤。復。不。爽。毫。釐。兩。雄。相。遇。小。紅。之。愛。阿。棄。也。不。如。其。愛。公。子。之。專。阿。棄。知。之。大。恚。嘗。誘。公。子。至。小。紅。妝。閣。糾。人。攢。毆。之。幾。斃。杖。下。公。子。引。爲。大。感。特。以。綠。楊。春。好。本。屬。通。家。不。得。不。爲。名。譽。計。隱。忍。不。言。事。聞。於。太。夫。人。銜。阿。棄。刺。骨。以。公。子。柔。弱。無。可。洩。忿。但。嚴。囑。勿。再。與。阿。棄。近。而。已。不。數。年。阿。棄。掇。巍。科。聲。譽。日。上。一。日。與。公。子。邂逅。於。友。人。席。上。極。道。契。闊。且。自。陳。曩。過。公。子。於。前。事。固。已。澹。焉。若。忘。且。亦。不。虞。其。更。有。他。

意。因亦虛與委蛇。從此肥魚大肉之場。紙醉金迷之地。兩人乃復如蛩豸之儼影。出入必偕。公子長阿棄一齡。阿棄因自居於弟。又擇朋輩交情摯者四五人。互訂金蘭。公子行居三阿棄四也。由是阿棄見必三哥之親暱。已甚。方阿棄之以營救之說進於太夫人也。太夫人未忘前隙。意夫己氏必不能爲公子福。而阿棄卒以蘇張之舌。戰勝之。旣挾重資入都。函電星馳。謂某處已爲道地。某處已允設法。終以運動金不敷。支配爲請。太夫人則更輦重金以應之。計往返數次。逾於定額者數倍。而公子揚長出獄矣。

公子旣出。阿棄任俠之名乃大著。都中有鉅公某者。願以記室辟令狐從事。與阿棄暱者。聞之大愉快。意鉅公方握政柄。近水樓臺。平流而進。內而參侍。外而司道。不難唾手得也。阿棄則淡漠視之。憮然語所識曰。懶鬻疎阮。豈耐蠹官。執山膏野鹿。而亦使之沐猴而冠。此其志愈在長林豐草間耳。強習難安。吾其賦歸去來乎。明日遂騎款段出都門矣。阿棄之名至是益大著。或有汗其陰事者。謂阿棄因倩。

人先以行卷質某鉅公。又從而爲之辭。某鉅公始有借重阿棄意。而阿棄乃故藉是以爲名。高其說。無左證。聞者亦疑信參半也。阿棄既返故鄉。太夫人感其盛意。更以厚幣爲謝。阿棄固辭。使者三返。而後受。公子之戚總理國家銀行事。介公子而以某分行事屬阿棄。阿棄既握金融界之機關。走其門者如市。富商某以粵漢鐵路股票質萬金於行中。僅值原價之六耳。期滿不贖。阿棄索之急。謂值清理。賬目萬分不能爲力。富商適以營業失敗。將有破產之慮。既展期而復。及限。阿棄曰。今無他說矣。以本利計。子尙須納金若干。吾與子爲友。不責子償息。而僅以股票沒入可乎。富商大感動。特從友人處更假金若干以饋之。阿棄猶謙讓如不欲受。而不知其一舉兩利於第一屆期滿時。已以股票原價與行中交割也。族叔於郡中設一劇場。數年耗資以數十萬計。乃以劇場賃於他姓。而月收其租金以資挹注。他姓殊強悍。月租不肯按期付。謀諸阿棄。阿棄則出而排難解紛。聲言不違約者將訟之官。他姓懼。月給如例。而族叔固未覩所謂阿堵物者。問之故。阿棄笑曰。

叔亦駭矣。叔自計數年來量入爲出，羨乎紺乎，叔曰：寧獨紺也，且不數甚鉅矣。阿棄曰：然則叔奚我之責？今詬厲於吾左右，而索叔逋者，踵相接，吾相機以處之，酌量以遣之，儉不吝而奢不溢，各如其願以去，叔不見自我，經租終年無償，主上門耶，而曰租金不名一錢入，然則此淺淺之租金者，寧遂悉入吾私囊耶？叔乃氣沮不復詰。

凡茲所述，特阿棄小試其技耳。其最著者，莫如處分金氏婦遺產一事。婦楊姓，小家女也。父以畫自給，同光間寫生家宗尙山陰胡氏一派，風枝露葉，蒼勁如生，筆端逸氣不屑屑爲調鉛殺粉態，而神韻自足。南田秀潤，徐熙沒骨，風尙所趨，別開生面。楊所點染，雅與吳門之沙上海之張相似，而濡染大筆，潑墨淋漓，轉有爲兩家所不及者。以是名譽鵲起，一便面須潤筆金三四兩，求者猶戶限爲穿。楊顧疎懶性成，不拘拘以畫家自命，風流倜儻，意在附庸名士生平所學，在畫而轉以售畫爲心。吹烟畫空，襲如也。嘗有外遇，輒間數日往一歡會，至則橫陳一榻，飽吸烟。

體蓋其外。婦固設烟肆而兼營淫業者。吸烟既畢。輿之所至。縱筆揮灑。頃刻可十餘紙。畫成欲加印記。而不得。則購市上豆乾。或方之。或圓之。以小刀隨意雕刻。高古似籀文。更丐市肆所用之朱泥。雜硃砂而鈐之。明珠仙露。近人倉碩。吳氏無此手筆也。客有欲得其畫者。輒乘其遨遊芙蓉城中時。丐得之。楊亦不齟齬。索潤資。自來畫家之癖不一。或癖於酒。或癖於金石古玩。而楊獨以癖於烟著。其淪廢終身。病貧以死。亦以此。每天雨。御雨具以出。鐵釘齒齒。然泥汗都滿。既寧家。則納頭便睡。舉而置之。衾中狼藉牀蓐。間不顧也。家人話諍亦笑。不與較。生平惟一女。風流放誕。雅有父風。年十五六。挽雙丫角。著碧綃衫。桃花人面。掩映於花陰柳陌間。曼聲歌花田珠。孃之曲。見者咸色授魂與。嘗有聽雨一絕云。客窗閒聽雨。瀟瀟懣懣。殺窗前種綠蕉。何處笛聲人未睡。教儂那得不魂銷。識者謂詩雖不佳。而其蕩已甚。豔名既噪。益以才華。五陵輕薄子。挾彈相逐。女漸從之。游卒爲所給。轉徙入曲院中。時楊已前沒家。惟一母亦以老廢。於是女遂以紅綃一曲。管領東風。聞歌脫

藉旋復下堂。忽忽十餘年。猶是浮花浪蕊身也。最後以訟事破家。幾瀕於危。幸得一。金。姓。者。爲。作。護。花。符。訟。事。既。畢。女。遂。矢。志。從。良。以。報。知。己。金。素。經。商。於。南。洋。各。埠。業。錫。礦。以。財。雄。一。郡。有。過。其。家。者。云。宅。舍。壯。麗。殆。甚。於。王。公。邸。第。門。戶。能。隨。足。自。爲。啓。閉。商。彝。周。鼎。羅。列。几。席。間。夥。頤。沉。沉。目。不。識。丁。而。好。藏。書。習。與。書。買。處。亦。喜。談。板。本。有。著。者。明。人。而。金。以。爲。宋。槧。者。有。明。板。而。有。元。人。藏。書。印。者。金。固。茫。然。不。辨。其。孰。眞。孰。贋。也。既。得。楊。氏。女。是。鄉。極。樂。有。終。老。溫。柔。意。時。大。婦。歿。已。十。年。一。子。亦。弱。冠。矣。金。乃。使。女。正。位。中。閨。而。強。子。母。之。子。勿。善。也。家。庭。之。間。舌。劍。脣。槍。播。弄。無。虛。日。或。曰。女。豔。子。美。欲。使。聚。斃。而。子。不。從。遂。構。大。隙。顧。女。語。人。則。又。以。子。思。幹。父。之。蠱。對。要。之。老。夫。少。妻。必。非。家。庭。之。福。者。近。是。無。何。金。以。病。瘵。死。遺。產。數。百。萬。女。曰。父。死。母。爲。政。今。日。之。事。必。不。可。以。一。錢。界。子。手。子。則。素。不。滿。女。之。所。爲。亦。以。大。權。旁。落。爲。非。計。謀。諸。親。友。或。告。之。曰。而。母。妓。也。敢。爾。爾。者。有。法。律。在。獨。不。可。訴。諸。法。廷。乎。子。信。其。說。遂。涉。訟。女。亦。以。重。金。賄。當。道。歷。官。五。六。任。閱。時。十。餘。稔。案。

贖山積而迄未定讞。張來利子之賄重。則直子而曲女不服也。李來女倍其賂。以賂之子。又索索無生氣矣。胥吏之承辦此案者。無不如飢鷹得肉飽食。以嬉金氏之產之耗於此中者。亦致中人之產十家而有餘矣。阿棄習聞其事。作毛遂之自薦。女知其是爲己助也。歡迎備至。阿棄乃日揚言於衆曰。天下烏有以子而訟母者。無論其曲在子。卽子果直矣。獨不能潛移默化。俾家醜不外揚耶。聞者頗是其言。以爲得體。阿棄更爲言之。當道不數月而案結矣。所遺之產。女七之子三之。而女應以其所得之產。助學堂費若干萬。助公益費若干萬。助行政費若干萬。不者產且充公。女不得已。悉數畀之。而曩日阿棄與女所訂之秘密條約。謂事成以後須饋阿棄若干萬者。又不能不付。綜計金氏之產。至是強半盡矣。而阿棄與當道某者瓜分而豆剖之。且面團團安坐作富家翁也。

阿棄既襲重資。官輿忽復躍躍然動。會朝廷明詔立憲。實行九年預備之舉。特設資政院於京師。作議院之基礎。阿棄略一運動。以議員北上入都。遍謁諸同鄉。鄉

人某者。以某部丞參兼辦官醫局事。阿棄謁之於醫局。值某他出。阿棄乃端坐而待。肩係奉旨設立堂中。恭懸聖諭。四壁琳瑯。多當朝貴人小影。有某貝子者。方長某部事。權勢炙手可熱。阿棄目注其肖像。豐頤廣額。龍種不凡。凝睇間。堂後有人出。狐裘煌煌。儀表非常。人儼然某貝子也。時阿棄已以議員而捐候補道矣。則亟而匍匐於地。曰。職道某某。請貝子爺安。詎其人亦屈膝不遑。呼曰。老伯不記里中胡家小姪某某耶。胡爲而至此。阿棄至此始知其爲同鄉某某子姪行也。匡人陽虎致蹈小冠子夏制誥韓翃之誤。則相與大笑不止。然嗣是阿棄竟得夤緣奔競。日伺候於某貝子之門。某省有部轄實業廠一所。虧本過巨。部中人或遊說阿棄。子能以承辦。是廠請者。陽博振業之名。隱助公家之急。事無有善於此者。至於得請以後。果辦與否。權皆在子部中。但求得子償還基本金二三十萬足矣。他事非所問也。部中人之爲此言。特稟部長之旨。以阿棄爲傀儡而愚弄之耳。顧阿棄聞之大喜。曰。款項吾所自有。第苟如約者。部中何以處我。部長則更懸京卿之重賞。

以餌之不數月報章喧傳某某以獨力興辦實業廠得旨獎三品京卿不知者或謂阿棄精明強幹此舉乃受政府之愚而豈知事且有大謬不然者

資政院之議員有所謂納稅最多議員者中選者大抵爲富商巨賈或殷實之實業家有邊省某某二人各以及格膺選阿棄遇之於都中班荆道故歡若生平二人愚而魯官場酬酢禮節尤不嫻習阿棄時從旁指示之二人感激無已纖悉均與商一日二人慘然語阿棄曰頃得家中書邑有劇盜數人以事逮捕乃肆口攀誣牽連及我輩事且奈何阿棄曰是誠宜早自爲計今商部有所謂顧問官者可納資而得三等金五萬二倍之頭等更倍之誠能各得頭等顧問官者貴顯無匹媒孽之來不期自息卽有萬分一官官相護部中亦必力爲道地不然朝顧問而夕盜賊之部中顏面之爲何也二人意大動意顧問官不第可免後患他日衣錦還鄉既富且貴邑中某太史某部郎乃更不我若顧問部中人絕少往還誰則爲通殷勤者阿棄則銳以自任二人乃鄭重托之而別阿棄既知二人入彀則更

與部中人語京卿。吾所不必抑。有兩人與吾俱。雖名不必居。而顧問之報不可稍吝。苟同意者。事且旦夕成。不則尙在不可知之數耳。部中人磋商再四。卒如阿棄旨而卒。以京卿酬阿棄。閉院期屆。二人揚揚出國門。意氣張甚。而不知以多金爲人購一三品京堂顧問。特如嚴子陵所云買菜求益之附屬品耳。阿棄有知不益將竊笑。其旁謂君子洵可欺以其方哉。

二人旣行。而阿棄獨留。意更將有所運動。二人旣抵里。細詢家人劇盜攀誣事。家人茫然。更詢他人。亦以子虛烏有對。二人終不悟。書出阿棄手。且以藉此得顧問歸。爲世世子孫增光寵轉感頌。阿棄不去口。會阿棄之同里某公子者。亦以事入都。公子故世家。都中多父執。有某鉅公者。阿棄爲公子謀幹時。亦嘗假其名而得金數千。至是公子特以年家子晉謁。藉致感謝之忱。詎公子言之屢。而鉅公僅唯唯。否否亦無一語詢其曩日橫權鉅禍狀。公子大疑。退而問諸阿棄。阿棄笑不可止。徐曰。三哥。乃猶是當年孩子氣耶。此事何事。詎可於大庭廣衆間娓娓而談。今

且。敗。矣。某。鉅。公。因。此。必。深。銜。恨。於。子。子。慎。毋。再。往。往。則。禍。且。不。測。公。子。則。憬。然。若。有。所。悟。亦。感。頌。阿。棄。不。去。口。

四。時。之。氣。春。生。秋。殺。循。環。往。復。天。殆。以。劑。人。事。之。窮。彼。夫。漫。漫。苦。海。修。夜。不。暘。而。扶。桑。日。出。終。復。呈。其。光。明。之。象。者。理。也。亦。勢。也。阿。棄。至。此。自。念。操。縱。一。世。舉。無。足。以。縈。其。念。慮。者。而。不。知。臥。榻。之。旁。伺。隙。者。已。眈。眈。虎。視。欲。得。之。而。甘。心。矣。先。是。阿。棄。之。在。醫。局。誤。以。某。某。爲。貝。子。爺。也。羞。媿。無。以。爲。地。陰。謀。家。最。懼。人。發。其。覆。阿。棄。雖。無。似。然。視。名。譽。甚。重。蓋。方。以。任。俠。之。名。號。召。於。人。故。尤。神。聖。視。之。既。知。某。某。終。不。能。掩。其。口。則。轉。與。之。親。某。某。亦。個。中。老。斲。輪。手。家。本。貧。苦。嘗。爲。人。家。童。子。師。藉。束。脩。以。餬。口。居。停。有。女。公。子。一。爲。父。母。所。鍾。愛。亦。隨。諸。弟。入。塾。讀。書。女。貌。妖。麗。在。再。二。三。年。標。梅。待。賦。矣。某。某。聒。而。與。之。亂。蓋。自。由。結。婚。之。說。時。方。灌。輸。於。女。界。植。德。淺。薄。之。閨。媛。習。聞。此。種。薰。蕪。不。羈。之。學。說。而。誤。解。其。宗。旨。鮮。有。不。墮。節。敗。行。者。願。女。之。父。母。不。知。也。既。允。他。人。之。聘。將。涓。吉。行。禮。女。乃。與。某。某。宵。遁。而。留。書。一。通。

爲別。大致謂婚姻之不自由。最爲人道之蠹。賊某家郎不慧。已甚。又家世。紈袴。乘堅策肥。此外。乃不能名一技資財。蕩盡與乞兒等耳。女不忍以清白身。作富家奴。玩弄品行。逐清流。覓曹娥去矣。父母觀之大慟。邏騎四出。更雇弄潮兒數輩。沿江打撈。無獲。嗣有人於他邑。見女與某鸚鵡比翼。始告諸其家。而璧返焉。好事者因作凌波影小說。以傳之。某某自知不容於鄉里。有姊婿某者。方供職都中。遂往商棲。止冀得一枝之借。姊婿與某丞參有連。則介紹。使爲醫局掌書。記局中事。簡某遂曰。作牧豬奴戲。都中富賭窟。警廳日言捕治。而因以爲利。常盛鹵簿。率隸役。昂然直入。鐵索銀鐙。盡繫窟中人。以去。中途人各饋銀若干。爲數無定。衡貴顯者千之次者。百之最下者。亦必以十數計。旣得銀。釋使去。若無事事者。某某亦嘗躬預其盛。顧竟不饋銀。亦不求釋。隨至署。斲然高臥。署中人以衆皆去。而彼獨留。叱使起。且令之出。某曰。吾以賭被逮。罪在不赦。奚云出也。署中人知言出有因。則好語安慰之。而某勢益張。某金若干。某銀若干。歷歷如數。家珍行且謁長官。聲暴其事。

耳。署中人。大懼。則以餘金分潤。優禮待之。而某始致聲騷擾而出。

嚙昔之日。某方盛飾。往謁博徒。將爲城下之戰。忽遇阿棄於局。知其可供大嚼也。順其旨。而媚之。阿棄大樂。阿棄方欲得一人助文牘之勞。試問諸某某自陳。願爲知己。用於是。某遂以祕書參阿棄機密事。青油幕底靡所不談。京卿之獎某之力。居多。阿棄既飛黃直上。生亦駸駸且大用矣。顧未幾而銀行事發。阿棄既坐重辟。褫職交地方官嚴加管束。以阿棄之力可回天。而當事者竟案定如鐵。囊餽請命。轉賴某爲供奔走之勞。阿棄之感某一如某公子。及顧問官昔日之於阿棄。任俠急難之風。又不得不惟某自許。事有不相謀而適相合者。離合姻緣。不可不謂之巧。而巧之中。更有巧者焉。元之又元。雖令吳道子執筆。以從恐有不能繪此地獄之變相者。則告發阿棄之人。實爲某公子。而令某公子發阿棄之陰謀者。又厥惟某某。

阿棄之捷賢書也。因賴郡中某名士之力。某名士有文而無行。至此乃與阿棄朋。

比爲奸旋某名士應撫幕之聘欣然謂阿棄曰好爲之時不可失子姑擇其肥者而噬之吾黨子而挾撫軍之威令以行誰則敢反側者阿棄諾之思肥甘可飶者莫公子若乃陽與之暱俾公子忘其舊愆而陰布置一切事成邑令某忽得撫轅密札謂公子有亂黨嫌疑行置之法而阿棄乃出而爲之捭播事定後名歸阿棄利則兩人均分之也迨金氏一役阿棄復因某名士之介而賄當道舞文縱法某名士讀書得間嘗從容語阿棄好官不過多得錢而處境之苦亦惟官爲最甚簿書期會勞於內苞苴暮夜勞於外或不愆愆尤叢集孰若吾兩人處亦官亦紳之間子以俠著吾以幕聞偶一畫策金錢汨汨自作江海之朝宗於海之爲計得也故終某名士之世阿棄幸無所差跌及名士卒而阿棄名心未死雖得好官而卒以是敗某名士之言驗矣然使阿棄不引狼入室無某某以參預其事者敗亦不至若是之速蓋某自職祕書後凡阿棄之往來私函悉由其裁答一日於篋衍中檢得阿棄往時與某名士往還書牘數十通陷害公子之計畫俱在大喜錄副

以。示。公。子。公。子。驚。愕。出。意。表。某。謔。其。狀。知。公。子。雖。甚。憤。恨。而。復。仇。之。舉。終。躊。躇。不。能。決。也。則。更。爲。諧。語。以。激。之。不。動。則。又。爲。危。詞。以。聳。之。又。不。動。則。試。爲。種。種。之。方。法。以。實。之。於。是。而。公。子。之。志。乃。決。

阿棄之治銀行也。本有授人口實之處。夙負任俠名。補瘡剜肉。假公濟私之事。固往往而有所入。雖豐而金錢在手。恣意揮擲。非是不足以維持其現狀。大權在握。卽彌縫而補苴之。亦一舉手之勞耳。至若公子往事某名士。已前卒平居私念。更無有人刺其陰私者。故尤漠不爲意。其所延會計員某君者。相處數年矣。感情尙洽。阿棄嘗以某事舞弊。得中飽金二萬餘。會計員在旁知狀。涎之以分我一杯羹。請阿棄知其有挾而求也。允以三千金爲壽。會計員大喜過望。謂平居亦無所多需。歲時伏臘。或留以備不時之用。此三千金。姑儲蓄行中可耳。詎不及歲闌而阿棄竟以事斥之。退向索所儲金。則曰金果在也。特子亦有契約爲信乎。會計員曰。言出於子口。入於吾耳。誰立約也。阿棄曰。然則吾不能以子故而破壞定例。竟沒

其金不與事聞於某則召會計員至使作案中干證而使公子爲之先都中某鉅公旋謫知曩者阿棄之假其名以行詐也助公子甚力遂有派員密查之舉既得人證確鑿狀某更聲言於外謂阿棄圖謀不軌私以重金接濟海外黨人故虧累至此讞成幾論棄市幸阿棄金多卒得某貝子某親貴之力僅判禁終身迨辛亥之秋始得出獄已老病不堪旋亦謝世而某某自因此事得重賞後婦人醇酒耗其資幾盡一夕忽遘奇疾以死時距阿棄之入獄僅半載有奇耳

西神殘客曰老友癯公歸自海外爲余言其事如此其言離奇恠疑若鑿空之談且當光宣之交桂林象郡間殊無以有京卿而遘奇禍者其非事實可知特天地之大何所不有茫茫人海中寧遂無阿棄其人者接踵而起吾言不文轉恐不能預爲表揚其萬一耳夫略迹論人阿棄之脫公子於厄急友難也解金氏婦之訟拯孤寡也謂之曰俠嘯曰不宜昔陳遵語張竦曰足下諷誦經書苦身自約不敢差跌而我放意自恣浮沈俗間官爵功名不減於子而差獨樂顧不優邪竦曰

人。各。有。性。長。短。自。裁。子。欲。爲。我。亦。不。能。吾。而。效。子。亦。敗。矣。雖。然。學。我。者。易。持。效。子。者。難。將。吾。常。道。也。其。言。可。謂。深。切。而。著。明。矣。以。阿。棄。之。放。意。自。恣。而。卒。有。某。某。者。爲。之。敵。然。則。彼。浮。沈。俗。間。而。務。反。乎。常。道。以。行。者。又。寧。足。自。恃。以。爲。久。耶。世。有。阿。棄。輩。其。勉。之。矣。

各 種 義 俠 小 說

大俠紅鬃露傳

四角五分

叙法人當日之咆哮。如狂如痴。大半爲魯意被殺後事。大俠紅鬃露獨能出難人於險。故著者深美之。

遮那德自伐八事

大本四角
小本三角

遮那德者拿破崙軍中一中佐也。所述八事。爲助人報父仇。殺刺客。被擄於山賊。脫獄。剿山賊等。所述皆奇幻可喜。

行 路 難

一角五分

叙美國一女子將至某處。有本村巨猾涎其色。率黨徒尾之往。乃乘山路險巖。設計劫女。女卒得脫險。

俠 黑 奴

一角

叙一俠奴。始受舊主之苦。後感新主之恩。篇幅雖短。用筆有波濤洶湧之勢。

秘 密 地 窟 二 角

敘一義賊改行從善。投入縉紳家爲僕。頗得主人信用。心甚感之。後見其主形迹詭秘。舉動可疑。察知爲一醫士所愚。役使之爲竊盜。乃大恨醫士。陷其主於不義。一再潛入其室。探得秘密地窟。因設計發其奸而脫主於難。


雙 鴛 侶

大本三角
小本一角

是書敘一老教士將移家村居。途中遇一貧士。初不之重。後被村主奪其長次兩女。貧士卒代救出。復爲之嫁娶焉。

義 俠 小 說

續 俠	曇 血	玉 褒	教育部	義 光	黑 林
俠 隱	花 蓑	光 義	獎 義	傳 黑	紆 紆
記 記	夢 衣	傳 黑	二 角	二 角	二 角
四 冊	四 冊	小 本	二 角	二 角	二 角
小 本	小 本	小 本	二 角	二 角	二 角
八 角	六 角	二 角	二 角	二 角	二 角
元 角	元 角	元 角	元 角	元 角	元 角



BC
42. 1